



**PULEGA O TINEI MU
MA FAALAVELAVE TUTUPU FAAFUASEI**

LIPOTI FAALETAUSAGA

2024-2025

Nofoaga	Pulega o Tinei Mu ma Faalavealave Tutupu Faafuasei; <u>Upolu</u>; ○ <u>Tauese, Apia</u> ○ <u>Faleata, Tuanaimato</u> ○ <u>Faleolo, Aana Savaii</u>; ○ Maota ○ Asau
Numera Telefoni	20404/20405/8416612
Numera mo faalavelave tutupu faafuasei 24 itula	911
Upegatafailagi	www.sfesa.ws
Imeli	fireservice@sfesa.ws
Facebook	Pulega o Tinei Mu ma Faalavealave Tutupu Faafuasei
Tuatusi	Ofisa Tinei Mu Apia, Tauese, Pusa Meli 3361, Apia, Samoa

FAAMATALAGA MO LE PALEMENE



PULEGA O TINEI MU MA FAALAVELAVE TUTUPU FAAFUASEI A SAMOA

31 Oketopa 2025

Afioga Auapaau Mulipola Aloitafua Afioga Fofoga Fetalai o le Palemene

Fono Aoao Faitulafono o le Malo Tutoatasi o Samoa

MULINUU

Lipoti Faaletausaga a le Pulega o Tinei Mu ma Faalavelave Tutupu Faafluasei mo le Tausaga Faaletupe 2024-2025

Afioga e,

E tusa ai ma le Fuaiupu 37(4) o le Tulafono o Tinei Mu ma Faalavelave Tutupu Faafluasei 2007, e ia te au le ava tele e tuuina atu ai i le Fono Aoao Faitulafono le Lipoti Faaletausaga a le Pulega o Tinei Mu ma Faalavelave Tutupu Faafluasei mo le Tausaga Faaletupe e faaiuina i le aso 30 Iuni 2025.

Faafetai,

Hon. Seve Te'i Fuimaono

Minisita mo le Pulega o Tinei Mu ma Faalavelave Tutupu Faafluasei i Samoa

Faasologa o Mataupu

Faamatalaga mo le Palememe	3
FAAPUUPUUGA MA O LATOU FAAUMIGA	5
MATATI'A O GALUEGA FAATINO MO LE TAUSAGA	8
Vaega o Auaunaga Faasuetusi.....	11
Tagata Ofisa e Faamaopoopoina le Poloketi.....	11
O LE TALI ATU E ALA I LE FAATAMAIA O MU MA FAALAVELAVE FAAFUASEI (VAEGA O GALUEGA).....	11
GALUEGA FAATINO 3: VAEGA O AUAUNAGA TAU SAOGALEMU, FAALAUILOA MA PUIPUIGA MAI MU.....	26
VAEGA O SAOGALEMU MA LE PUIPUIGA MAI MU MA FAALAVELAVE TUTUPU FAAFUASEI	26
GALUEGA FAATINO 4: VAEGA O AUAUNAGA LAUTELE.....	35
AOTELEGA O GALUEGA FAATINO MA TAUNUUGA TAU TUPE	38
TALAAGA O LE AUFAIGALUEGA.....	39
FUAFUAGA AUTASI UA FAAFOUINA	44
FUA FAATATAU O GALUEGA FAATINO UA FAATUPEINA MO LE PULEGA (SFESA).....	46
POLOKETI TETELE	51
LUITAU MA TULAGA LE MAUTONU MO LE LUMANAI	53
FUAFUAGA MO LE LUMANAI	53

FAAPUUPUUGA O UPU MA O LATOU FAAUMIGA

CHOGM	Fonotaga a Faauluuluga o Malo o le Taupulega
CP	Fuafuaga Autasi
DMO	Ofisa Faafoeina Faalavelave Matuia
EMR	Vaega o Auaunaga Tau Taavale Ave Ma'i
EMT	Tagata aotauina i Togafitiga Faafoeina i Taimi o Faalavelave Tutupu Faafuasei
ERN	Fesootaiga tau Leitio mo Faalavelave Tutupu Faafuasei
EV	Taavale e alu i le Eletise
FIA	Suesuega o Mafuaaga o Mu
FRV	Ofisa mo Laveai mai Mu – Vitolia
FY	Tausaga Faaletupe
HR	Punaoa Tau Tagata Faigaluega
HRD	Vaega o Punaoa Tau Tagata Faigaluega
ITD	Vaega o Faamatalaga Faatekonolosi
MOF	Matagaluega o Tupe
MOH	Matagaluega o le Soifua Maloloina
MOP	Matagaluega o Leoleo
MOU	Maliega Tusitusia
MPE	Matagaluega o Faalapotopotoga Tumaoti a le Malo
MVA	Faalavelave Tau Taavale Afi
NECC	Ofisa Tutotonu a le Atunuu mo Valaau tau Faalavelave Tutupu Faafuasei
NFA	Pulega o Mu a le Atunuu
OSH	Saogalemu ma le Soifua Maloloina o Tagata faigaluega i luga o galuega
PPD	Vaega o Faiga Faavae ma Fuafuaga
PTF	Komiti mo Penisini ma Suauu
SFESA	Pulega o Tinei Mu ma Faalavelave Tutupu Faafuasei i Samoa
SQA	Pulega o Faailoga ma Tusipasi Taualoa a Samoa
STA	Pulega o Tagata Tafafao Maimoa mai Fafo
ToR	Tuutuuga o Galuega
TOT	Aoaoga mo Faiaoga o Aoaoga
VERTS	Auaunaga Ofofua e Tali atu i Faalavelave Tutupu Faafuasei i Samoa

SAUNOAGA A LE TAMAITAI TAITAFONO

E ia te a'u le mitamitaga tele ma le ava e tatau ai e tuuina atu ai le Lipoti Faaletausaga a le Pulega o Tinei Mu ma Faalavelave Tutupu Faafuasei mo le Tausaga Faaletupe 2024 - 2025. O lenei lipoti ua momoli atu ai se aotelega o tulaga iloga ua ausia e le Pulega, o laasaga auiluma, ma luitau sa feagai ai a o faatino taumafaiga faaauau e faataunuuina ai matafaioi faaletulafono ua tuuina mai ia i matou ma sini faataatitia i totonu o le tausaga o loo iloiloaina nei.

O le tausaga faaletupe 2024-2025 ua faailoga ai le amatalia o galuega faatino i lalo o Fuafuaga Autasi fou a le Pulega mo le TF 2024/2025-TF2026/2027. O nei fuafuaga faataatitia ua atagia ai se laasaga taua tele i le faamatalaina lea o le vaaiga taulai alualu mamao a le Pulega ma le faamalosia lea o a tatou pulega faalotoifale, o le sologa lelei o le faatinoga o galuega ma ia ogatasi ma sini faataatitia mo vaega uma. Ua faatulagaina ai se faasinoala manino mo le Pulega a o tatou faaauauina le faaleleia o le tatou mafaigafatia e tautua ma puipuia ai tagatanuu o Samoa i se tulaga e aupito sili ona lelei ma faamaoni.

E tumau pea le maua'a o le sini faataatitia aoao a le Pulega: ia puipuia ma laveai soifua ma meatotino. O le ausia o lea manulauti e manaomia ai le faaauau o le faamalosia o faiga paaga ma paaga totino autu uma ma paaga fesoasoani, o le latou lagolago e tumau pea le taua i le manuia agai i luma o a tatou polokalame ma taumafaiga. E faapena foi le taua o a tatou taumafaiga i totonu lava o le Pulega, lea o loo taulai i le atiaega faaauau o tagata faigaluega e ala i polokalame tau aoaoga o loo tulimatai, o le mauaina mai o meafaigaluega manaomia mo le ofisa ma le faamuamua o le saogalemu ma le soifua manuia o tagata faigaluega uma.

A o faaauau ai ona faamalosia e le Pulega o le mafaigafatia ona faatino o ana galuega faalotoifale faatasi ai ma ana faiga paaga i fafo atu, e tutusa lelei lona taua ma le amanaia o manaoga tau galuega ua fatupulaia mo ana auaunaga. O le faatupulaia pea o le aofai o faalavelave e tutupu faafuasei ua avea lea ma avega mamafa i le Pulega, aemaise lava i tulaga tau tagata faigaluega, le saogalemu o tagata faigaluega ma le lava o punaoa manaomia e tali atu ai i le tele o manaoga mo le matou auaunaga. A o siitia ai le manaomia o le auaunaga ua atagia ai se itu lelei i le vaai mamao a le Pulega ma le faatuatuaga o tagata lautele i lo matou mafaigafatia ma e faapena foi ona faailoa mai ai luitau lea e vaavaalua mai ai i nei manaoga.

A o faagasolo le tausaga faaletupe 2024-2025, e 6,710 le aofai o faalavelave ma faalavelave tutupu faafuasei na tali atu ai le Pulega e ala atu i le Vaega e Tali atu i Faalavelave. O lenei fuainumera e le aofia ai isi galuega faaopoopo sa faatino e isi vaega autu e tolu (3) a le Pulega lea na fesoasoani atili i le faataunuuina o a matou matafaioi faaletulafono.

Sa faatumauiina le faafoeina mautu o tupe e le Pulega mo le Tausaga Faaletupe 2024 – 2025. Ae peitai, sa maitauina le faaitiitia i le 25% mo tupe toe faaolaina. E ui i lenei faaitiitiga, sa mafai e le Pulega ona ausia maua luga le aofai o tupe maua sa tulimatai ma maua ai le faasiliga e 1.9 miliona talā.

A o faaauau ai pea e le Pulega ona faamalosia ana tulaga tau tupe ma le afuaga o ana punaoa, ua taulai nei le faamuamua a le Pulega i le agaiga i le lumanai ma le atinaeina o ana auaunaga. O le vaai agai i luma, ua talitonu le Pulega o le a faaauau le faaleleia o le faafoega ma taunuuga lelei o ana auaunaga mo le mamalu lautele o le atunuu, o le faamalosia o le mafai ona tali atu i aafiaga o suiga o le tau ma le faaleleia o le taimi e vave tali atu ai e ala i le fausiaina o ni Ofisa Tinei Mu faaopoopo i Upolu ma Savaii. O nei Ofisa ua fuafuaina lona faatuina i nofoaga e lava fanua, le maua o punaoa ma tulaga tau tupe, ma mafai ai ona faalautele auaunaga ina ia soo atoa Samoa.

I lona aotelega, e tumau pea le vaaiga mamao a le Pulega i le faamalosia o le tuuina atu o ana auaunaga a o faamautinoa ai le faaauppegaina o ana tagata faigaluega i punaoa ma fesoasoani talafeagai ina ia lelei ona faatino o latou tiute ma tausisia galuega tauave autu o le faalapopotoga.

I le ausia ai o nei sini faataatitia ma le tausisia o pulega lelei, o le faasinoala ma le faamalumaluga a le Komiti Faafoe e tumau pea lona taua i le agai i luma faaauau o le Pulega. O loo faailoa atu i le fua faasolo le Komiti Faafoe ma fonotaga sa auai ai sui taitoatasi.

SUI O LE KOMITI FAATONU	AOFAIGA O FONONAUAI AI
Aiono Meresaini Siaosi Laulua	12
Tufuga Gafoaleata Faitua	11
Funefei Oliver Vaai	11
Papalii Malietau Malietoa	11
Paiutu Alistair Sagato Molioo	9

E momoli atu le faafetai tele a le Komiti Faatonu i le Pulega, aufaigaluega ma paaga uma i lo latou lotomau, le lagolago ma le naunautaiga i le ausia ai o le manulauti ma le vaaiga taulai a le Pulega.

Soifua ma ia Manuia;

Aiono Meresaini Siaosi- Laulua

TAITAI FONO

Komiti Faafoe (Pulega o Tinei Mu ma Faalavelave Tutupu Faafuasei)

LIPOTI A LE KOMESINA

E tuuina atu ma le agaga faagaetia le Lipoti Faaletausaga a le Pulega o Tinei Mu ma Faalavelave Tutupu Faafuasei a Samoa mo le TF 2024/2025.

O lenei lipoti o loo otooto atu ai galuega sa faatino e vaega e fa (4) o le Pulega ma ua faailoa ai le galulue punouai ma le maualuga o le faatinoga o le galuega e le afaigaluega o le SFESA i le faataunuuina o galuega tauave ma matafaioi o loo faatonu mai e le Tulafono a le Pulega o Tinei Mu ma Faalavelave Tutupu Faafuasei 2007, Fuafuaga Autasi 2024/25 – 2026/27, ma le Fuafuaga Faaletausaga. E ui lava i luitau sa feagai ai a o faagasolo le tausaga, o loo faaauau pea le agai i luma o galuega fai a le Pulega i le ausia ai lea o sini faataatitia ma le tuuina atu o auaunaga taua mo tagata o Samoa.

O loo tuuina atu i lenei lipoti oototoga taua mai vaega autu ma vaega laiti, ma ua faailoa atu ai galuega faatino a vaega taitasi o loo fesoasoani i le manulauti aoao a le Pulega ina ia puipuimalu soifua, malupuipua o meatotino ma le faasaoina o le siosiomaga.

MATATI'A O LE TAUSAGA

O matatia nei ua faaalua manino mai ai tulaga autu ua ausia e le Pulega, o faiga paaga faale-faalapotopotoga, fuafuaga mo le atiaeina o le afaigaluega, ma le faaleleia o auaunaga i totonu o le TF 2024/2025, o le patipatia o tulaga maoa'e ua ausia e atagia ai le naunau ma le tino o le Pulega o Tinei Mu i tagata o Samoa.

Galuega Faapitoa Tetele

✂ **Faafiafiaga o le Teuila:** O le aso 2 i le aso 6 o Setema 2024: Sa faatino matafaioi tauave masani o le afaigaluega ina ia mautinoa o loo mataitu lelei taualumaga aloaia mo le saogalemu mai mu, faatasi ai ma le mataituina o maketi e fai i le po mo le malupuipua o tagata lautele a o faagasolo le Teuila.

✂ **Magoto ai o le vaa HMNZS Manawanui:** O le aso 6 Oketopa 2024: Sa faatino e le Pulega se galuega pito i taua i le galuega laveai ina ua tuanai ai le magoto ifo i Tafitoala o le vaa a le fuavaa o Niu Sila. O le vaega na Tali atu i Faalavelave Tutupu Faafuasei sa mafai ona laveaia ma le manuia le auvaa atoa e 75, a o faapena ona faatino e le Vaega o Auaunaga Tau Taavale Ave Ma'i (EMR) le tuuina atu o le auaunaga faafomai i se taimi vave ma le feaveaaina e pei ona moomia, ma faamautuina ai le saogalemu ma le manuia o le auvaa uma. O lenei galuega ua atagia ai le lava tapena ma le maualuga o le tomai ua i ai le Pulega i le faatautaiga o faalavelave tutupu faafuasei tetele. Sa faapena foi ona faamamafa mai ai le manaomia o ni meafaigaluega faapitoa e faaopoopo, e pei o vaa tinei mu, o le faamalositia atili o le mafaigafatia e le Pulega ona tali atu i tulaga faapea ma fesoasoani i fuafuaga ma punaoa mo le lumanai.

✂ **Fonotaga a Faauluuluga o Malo o le Taupulega (CHOGM):** O le aso Oketopa 2024: Sa galulue faatasi i se tulaga lelei le Pulega ma paaga totino autu o loo aafia ma paaga faavaomalo, e aafia ai le Matagaluega o le Soifua Maloloina, o le Sosaiete o le Koluse Mumu a Samoa, ma itutino faavaomalo e pei o le Tinei Mu ma Faalavelave Tutupu Faafuasei a Niu Sila (FENZ), Ofisa Laveai mai Mu Vitolia (FRV), ma Hato Hone St John.

Na avea le SFESA ma nofoaga tutotonu o fesootaiga, ma sa faamautu ai vaega faatonutonu o fesootaiga o le CHOGM, ma tuuina atu le auaunaga o taavale ave mai sa faaleoleo i nofoaga uma o fonotaga faapea le

mataituina o le saogalemu mai mu. O se tulaga taualoa i le Pulega le i ai o sui o le vaega EMR e auai i le vaega sa tofia e puipuia le Tupu o Salesa ma le Masiofo ia Camilla, ma atagia ai le maualuga o le tomai ma le faatuatuaina sa tuuina mai i le SFESA i le taimi o lenei fonotaga tele faavaomalo.

- ✘ **Faamanatuina o le 63 tausaga o le Tutoatasi:** O le aso 1 Iuni 2025: E lua aso sa faatinoina ai e le SFESA le faamatuuina atu o le aufaigaluega i nofoaga tofia ina ia mautinoa le saogalemu o tagata lautele i le taimi o faafiafiaga. Sa matua mataalia le aufaigaluega i le mataituina o polokalame faatino, faamalosia o taualumaga aloaia mo le saogalemu, ma tuuina atu auaunaga faaleoleo faafomai mo faalavelave tutupu faafuasei, ua faailoa le naunautaiga o le Pulega mo le puipuigamaluo tagata lautele i taimi o faatasiga tetele a le atunuu.

Faigapaaga

- ✘ Sa sainia i le aso 7 o Aperila 2025 se Maliega Tusitusia (MOU) i le va o le Pulega o Tinei Mu ma Faalavelave Tutupu Faafuasei (SFESA) ma le Pulega Aoao o Tinei Mu Fiti (NFA). O lenei feagaiga e taula'i i le atinaeina ma le faaleleia o le tulaga o le taofia o mu, o puipuga mai mu ma auaunaga e foia ai le tulai mai o mu.
- ✘ Sa sainia i le aso 25 Aperila 2025 se Maliega Tusitusia (MOU) i le va o le Pulega o Tinei Mu ma Faalavelave Tutupu Faafuasei (SFESA) ma le Ofisa mo Laveai mai Mu Vitolia (FRV). O lenei feagaiga ua faaleleia ai le mafaigafatia ma tomai o le Pulega e ala i aoaoga, fesoasoani ma mea faigaluega faameaalofa mai e le FRV.

Atiaaina o le mafaigafatia o le Aufaigaluega

- ✘ **Laasaga lua o Aoaoga Faafomai mo auaunaga tau togafitiga muamua:** I le aso 1 - 10 o Iulai 2024: O lenei aoaoga sa avea ma vaega autu o tapenaga a le Pulega mo le CHOGM, ina ia mautinoa ua lava tapena ma ua aoaoina le aufaigaluega a le Pulega e tali atu atoatoa e ala i togafitiga faafomai i so o se faalavelave tutupu faafuasei po o faalavelave matuia e ono tulai mai a o faagasolo le aoaoga.
- ✘ **Tagata aotauina i Togafitiga Faafomai i taimi o Faalavelave Tutupu Faafuasei (EMT) Laasaga 1 o Aoaoga tau Togafitiga muamua:** O le aso 15 i le 19 o Iulai 2024: Sa faatino e le Kolisi o Auaunaga Faafomai mo Faalavelave Faafuasei a Ausetalia, o lenei aoaoga sa faamoemoe ina ia siitia ai le tomai o le aufaigaluega mo le Vaega o auaunaga tau taavale ave ma'i, faaleleia o le mafaigafatia i le tali atu i se tulaga aupito sili ona lelei i faalavelave e tulai mai i totonu o Samoa.
- ✘ **Polokalame o Aoaoga Toe Faamanatu EMT:** O le aso 5 i le 9 o Aukuso 2024, sa faatautaia ai se aoaoga mo le vaiaso e le NEVADA National Guard i taumafaiga mo le siitia o tomai o le aufaigaluega a le vaega o EMT, aemaise lava mo le tapenapenaga mo matafaioi I le CHOGM.

- ✘ Sauniga o le Faauuga mo tagata ofisa tinei mu fou e fasefulu (40) ia Setema 2024

- ✘ O le aso 17 -21 Fepuari 2025 sa faataunuu ai le Fefaasoaiga o Tomai Faapitoa i Mataupu Faafomai ma Sootaga faa Soifua Maloloina i le Lalolagi i le va o le Polokalame Faapaaga a le Nevada National Guard ma le SFESA

Meafaigaluega/taavale sa foai mai faameaalofa

- ✕ O le aso 24 o Aukuso 2024 na taulimaina ai loli fuimu e fa (4) ua maea faafouina, lua (2) moli fou mo taimi o lologa ma meafaigaluega e fesootei i ai; sa faatupe i le agalelei mai o le Ofisa o le Amapasa a Iapani. O se tau faataitai o nei meafaigaluega e US\$282,309.
- ✕ O le aso 25 Iulai 2024, sa foaiina mai ai e le Ofisa mo Laveai mai Mu – Vitolia (FRV) se loli tinei mu i le Pulega o Tinei Mu ma Faalavelave Tutupu Faafuase'i (SFESA), faatasi ai ma meafaigaluega faaopoopo mo le tineia o mu e fai ma faailoga o le agaga faafetai e tusa ai ma le latou galulue soosootauau faifaipea ma faiga paaga.

Tulaga Maoa'e ua ausia

- ✕ Sa faamaonia e le Kapeneta le tuuina atu o le auaunaga tau taavale ave ma'i mo le Pulega (FK(25) 07), lea ua faamanino mai ai matafaioi a le Pulega ma le Matagaluega o le Soifua Maloloina. I lalo o lenei faatulagaga, e faafoeina e le Matagaluega o Soifua Maloloina le feaveaina o gasegase uma i le va o falemai, a o le SFESA e nafa ma le faatinoina o isi uma auaunaga tau togafitiga muamua faafomai i totonu o le atunuu.
- ✕ Sa faamaonia aloaia e le Kapeneta le faatulagaga fou o le Pulega i le aso 4 o Aperila 2025. Ua faaopoopoina ni avanoa faigaluega faakonekarate fou e lua mo le Pulega, o le Komesina Lagolago mo le Vaega mo Auaunaga tau Taavale Ave Mai ma le Komesina Lagolago mo Auaunaga Lagolago Faapitoa i Galuega Tinei Mu ma Faalavelave Tutupu Faafuasei i le totogi e \$94,624.00 i le tausaga.
- ✕ O le aso 14 Novema 2024, sa faia ai se folasaga a sui mai le Faigamalo a Niu Sila, le Taitai o le Vaega'au mo le Puipuga, Air Marshall Tony Davies, Taitai o e Fuavaa Tau o Admiral Garin Golding e amanaia le taumafaiga maoae sa faatino e le Pulega mo le Fuavaa Tau a Niu Sila le HMNZS Manawanui.
- ✕ **Tauaaoina o Tusi Faamaonia:** O le aso 3 o Mati 2025: sa faafetaia ai e Niu Sila le Pulega e tusa ai ma Galuega Laveai mo le Manawanui sa faia i Tafitoala. Sa maitauina e faapea ana le seanoa le fesoasoani a le Pulega, semanu e tele ni soifua ma meatotino e le mafai ona laveaia.
- ✕ **Aso Faavaomalo mo Tinei Mu:** Sa faamanatuina lea aso faapitoa i le aso 2 o Me 2025 i lona Autu "Aufaatasi e Faaauau" – Faamalositia Faiga paaga mo Pulega Aufaatasi o Faalavelave Tutupu Faafuasei ma le Tali atu i Fesuaiga o le Tau. Sa faatautaia e le SFESA se Fonotaga mo Vaega Maoti a le IFFD mo se aso e tasi ma valaaulia nisi o vaega maoti autu ma faalapopotoga eseese ma sa faasoaina ai le tele o le sosia, o manatu ma tomai.

O le taulaiga autu o le fonotaga o le fuafuaina lea pe alagatatau ona faavaeina se vaega maoti e ese mai mo faalavelave tutupu faafuasei ma pe e tatau ona taitaia e le SFESA. O le aotelega o le taunuuga e faapea ua malilie i latou uma na auai ai e manaomia le galulue faatasi o le SFESA ma le Matagaluega o Tupe (MOF) ma faia nisi suesuega faaopoopo a e le i faia se faaiuga mautu. Ae mo le taimi nei, o le a faaauau pea ona uunaia le sao ma le auai ai o le SFESA i vaega maoti eseese.

OFISA O LE KOMESINA

I le mulimulitaia ai o nei oototoga autu, o le a agai loa i le Ofisa o le Komesina, o galuega faatino muamua ia a le Pulega, e faatulaga mai ai lana taitaiga alualu mamao, galuega tauave tau pulega ma fuafuaga o loo faatino e lagolago ai le faataunuuna lelei o auaunaga i vaega uma a o faagasolo le tausaga faaletupe 2024/2025

Faalauteleina o le Vaega: *Tagata Ofisa Sinia mo le Va Fealoai ma Faasalalaua:* O lenei avanoa fou ua faavaeina i totonu o le Ofisa o le Komesina, ma na faamamalu mai ia Fepuari 2025. O lenei tofiga e nafa ma le faafoeina o tauleleia o le Pulega i le vaaiga a tagata lautele ma fesootaiga ma le aufaasalalau, o paaga totino ma tagata lautele, faatasi ai ma le sini faataatitia o le fausia ma le faatumauiina o se vaaiga lelei mo le Pulega.

O le Vaega Suetusi faapea le avanoa o le Tagata e Faamaopopoina Poloketi o loo i lalo foi o le vaavaaiga a le Ofisa o le Komesina. O loo tuuina atu i lalo nisi o tulaga ausia autu mo vaega taitasi ia.

Vaega Suetusi

E aofia ai tagata faigaluega e toalua (2). O le Vaega Suetusi e nafa ma le faamautuina o le i ai o faiga faalotoifale talafeagai e faafoe ai galuega faatino ma faagaoioiga tau tupe. O le a faamautinoa ai le mafai ona faafoeina tupe ma faamautuina le mulimulitaia o tulaga faataatitia i totonu o le atunuu ma faavaomalo. O tulaga ausia maoae sa faia e lenei vaega e aofia ai le;

- ✂ 100% ua ausia i le sueina o tusi ma siaki o le faaaogaina o tupe a le ofisa ma o le taunuuga, o fautuaga sa tuuina atu ua iloiloaina ma faatinoina e le Komesina ma le Pulega
- ✂ Ua faamaonia atoatoa le Lipoti o le Sueina o Tusi a le CHOGM
- ✂ E lua (2) tusi ua maea sueina i luga o tulaga lamatia e ono tulai mai mo le TF 24/25

Ua faamalositia e le Vaega tulaga o le mafai ona tali atu, pulega lelei ma faiga manino i totonu o le Pulega, ma faamautinoa ai faiga lelei tau tupe ma le faafoeina lelei o tulaga lamatia, a o faapena ona siitia le tulaga maua o le faamaoni ma le lelei faatino o galuega.

Tagata Ofisa e Faamaopopoina Poloketi

O le tagata e Faamaopopoina Poloketi e vaaia ma faafoeina le faagasologa o poloketi eseese o loo faatulaga mai i le Fuafuaga Autasi 2024 - 2027. O nisi o nei Poloketi o loo faaauau mai i le Fuafuaga Autasi 2020-2024 talu ai. O lenei matafaioi e tele lona sao i le faaleleia o poloketi a le Pulega e oo mai i le aso. Ua tuuina atu i lalo nisi o tulaga ausia ua lipotia nei.

- ✂ Ata Faataitai o Tuutuuga o Galuega (TOR) mo se Sailiiliga o le Gafataulimaina mo le Ofisa Autu o le SFESA
- ✂ O le Faatuina o se Umukuka le tumau mo le Ofisa Tinei Mu i Aana
- ✂ Faamaopopoina o le Faamoemoe mo le Uluai suaina o le Elele e amatalia ai le Fausiaina o le Ofisa Tinei Mu i Aana.

O loo faaauau pea le matafaioi taua a le Ofisa o loo Faamaopopoina le Poloketi i le faaleleia o le faatinoina ma le manuia o faatinoga o galuega faavae autu tau atinae a le Pulega. E ui lava i le sologa lelei, o nisi o poloketi mai i le Fuafuaga Autasi 2024/2027 ua taofia nei ae ua suia le faamuamua i fuafuaga o loo lagolago atoa e paaga fesoasoani. Mo se faataitaga, o le fausiaina o le Ofisa Tinei Mu i Salelologa sa taofia le faaauauina a o faagasolo le galuega mo le Ofisa Tinei Mu i Falealili, o loo faatupeina e le Faletupe o le Lalolagi.

GALUEGA FAATINO 2: TALI ATU I MU MA FAALAVELAVE TUTUPU FAAFUASEI

TALI ATU I MU MA FAALAVELAVE FAAFUASEI (VAEGA AUTU O GALUEGA)

O le Vaega e tali atu i Mu ma Faalavelave Tutupu Faaufuasei, e masani lava ona taua o le Vaega Autu o Galuega, o se tasi lea o vaega o galuega patino a le Pulega. E iai le matafaioi taua o le puipugamalu lea o soifua ma meatotino

e ala i le vave tali atu e faaaoaga ai tomai faapitoa i soo se faalavelave tutupu faafuasei.

O lenei Vaega e aofia ai se aofai o tagata faigaluega e 164, e 139 alii ma le 25 o tamaitai, ma ua faamatuuina atu i ofisa tinei mu e lima (5) i totonu o Upolu ma Savaii e galulue ai. I le faataunuuna atoatoa o a latou matafaioi ua faatulafonoina, ua faatulagaina ai le Vaega autu i ni vaega se fa (4):

- Vaega e e tali atu i Mu ma Faalavelave Tutupu Faafuasei.
- Vaega o Auaunaga Tau Taavale Ave Mai (EMR)
- Vaega o Aoaoga
- Vaega o Inisinia

Ua faamuamua foi e le Pulega le faaleleia ma le faaopoopoina o ofisa tinei mu ina ia uunaia le mafai ona faaoo atu o le auaunaga i nuu ma le mafaigafatia ona tali atu i faalavelave tutupu faafuasei.

Faaopoopoina o Ofisa Tinei Mu

E lima (5) ni ofisa tinei mu o loo faagaoioia e le Pulega o Tinei Mu ma Faalavelave Tutupu Faafuasei (SFESA) i le taimi nei; e tolu (3) i Upolu ma le lua (2) i le motu tele i Savaii. Ina ia ogatasi ai ma le naunautaiga o le Pulega e faaleleia le mafaigafatia ona tali atu i faalavelave tutupu faafuasei i totonu o le atunuu, o loo faagasolo e le SFESA le faatinoina o ni poloketi fou eseese. O se tasi o poloketi autu o le fausia lea o se Ofisa Tinei Mu fou i Falealili i le talafatai i Saute i Sasae o Upolu.

O lenei taumafaiga ua fausia ai se vaega o le fuafuaga alualu mamao lautele a le Pulega ina ia faatuina ni ofisa tinei mu faaopoopo mo nuu i tua ma nofoaga e le o atoatoa le mauaina o le auaunaga, e faamautuina ai o nuu i nei vaega o le a maua auaunaga lelei ma le vave i taimi o faalavelave tutupu faafuasei. O se tasi o luitau tele lava i le faatinoga o galuega ua feagai ma le SFESA o le vava mamao o ofisa tinei mu o loo i ai ma nuu i tua, ma ua tele ina tulai mai ai le faatuai o le tali atu ma ua faapena ona oo ai i le tulaga ua tele mea e faaleaga poo le faatamaia atoa o fale.

I le i ai o fuafuaga e faatuina ofisa tinei mu fou mo le faaleleia o le oo atu o le auaunaga, ua i ai nei le Pulega i se tulaga mautu mo le faataunuuna o lana tali atu atoatoa i faalavelave tutupu faafuasei mo tausaga faaletupe i le lumanai.

Aotelega o Faalavelave Tutupu Faafuasei ua mafai ona tali atu i le Tausaga Faaletupe 24/25 ‘

AOFAI O FAALAVELAVE NA TALI ATU AI I LE TAUSAGA FAALETUPE 24/25	
Aofai o Mu	367
Isi ituaiga Faalavelave Tutupu Faafuasei	431
Auaunaga Taavale Ave Mai	5,912
Aofai o Faalavelave na Tali atu ai le Pulega	6,710

E 6,710 ni faalavelave tau mu na tali atu i ai le Pulega mo le tausaga faaletupe 2024-2025, o loo ua atagia ai se siitaga e 25% pe a faatusatusa i le 5,351 o faalavelave tau


mu ua faamauina i le tausaga faaletupe ua mavae atu (TF23/24). O lenei siitaga ua atagia ai le faatuputupulaia o le tulaga lelei faatino o auaunaga a le Pulega e tuuina mo tagata lautele.

O le siitia o le numera o le tali atu e le gata ina faaalua ai le faatupulaia o faalavelave tutupu faafuasei i totonu o le vaitaimiti ua lipotia nei, ae o lo o faamamafaina ai foi le alualu i luma o le malamalama ma le faatuatuaga o le mamalu o le atunuu i auaunaga tuuina atu e le Pulega. O le faatupulaia o le faalagolago o tagata i le mafaigafatia o le Pulega ua atagia ai le malosi o lona tulai mai i totonu o Samoa.

E le gata foi i lea, o lenei siitaga i manaoga o lo o faamamafa ai le taua o le ogatasi o le fetuunaiga o tupe ua faatatauina mo galuega ma le faatulagaina o punaoa e tusa ai ma le faatupulaia o le tali atu i faalavelave tutupu. E manaomia faaputugatupe ua lava tapena ma punaoa e fesoasoani mo le faatumauina o le lelei faatino ma le tuuina atu o le auaunaga ma faamautinoa le tali atu i faalavelave tutupu faafuasei i taimi talafeagai i le atunuu.

TALI ATU I FAALAVELAVE TAU MU:

TALI ATU I ITUAIGA FAALAVELAVE TAU MU MO LE TF23/24 vs TF24/25										
AUSAGA FALETUPE	Mu o fale	Mu o vao	Mu o lapisi	Mu o taavale afi	Mu eletise	Mu pou eletise	Mu o vaomatu a	Isi ituaiga mu	AOFAI	Suiga i pasene
TF23/24	82	60	184	13	25	15	1	18	398	30.49
TF24/25	67	53	192	22	24	31	4	18	411	3.27



Tali Atu i Ituaiga Mu Eseese

O le Auiliiliga o le Faavasegaina o Tali Atu i Faalavelave Tau Mu i le siata mo le TF2024/2025 o loo faatatau i le aotelega o le siitaga e 3% pe a faatusatusa i le TF23/24 ua mavae atu. O faamaumauga o loo faailoa ai ituaiga e fa (4) ma le agai i luga o faalavelave tau mu eseese, ma ua atagia ai le faatupulaia o le manaomia mo le lava tapena ma saunia lelei o le faatinoga o galuega aemaise le faatumauina o le faamatuuina atu o punaoa.

O le vaega o Mu Lapisi ua faamauina le numera aupito i mauuluga o faalavelave tau mu ma ua siitia ai i le 4%, faatasi ai ma le 411 o faalavelave tau mu na tali atu i ai i le TF24/25 pe a faatusatusa i le TF23/24. O lea vaaiga ua fai ma tulai mai o loo faailoa mai ai se luitau faifaipea mo le Pulega, talu ai o nei mu e mafai ona foia ae peitai e tele ina faaaogaina ai le toatele o tagata faigaluega, o le taimi ma meafaigaluega. O lenei faiga o loo faaalua ai faafitauli tau amioga ma le siosiomaga o lo o natia, e aofia ai le lē faafoeina lelei o otaota ma le lē mulimulitaia e tagata lautele o Tulafono faatonutonu i le susunuina o lapisi.

O se vaaiga mai le itu o galuega faatino, o le faatupulaia pea o le susunu o lapisi ua avea lea ma avega mamafa i le mafaigafatia o le fuafuaina o galuega aemaise punaoa tau tupe a le Pulega. Ona o lea tulaga, ua manaomia ai le uunaia o le galulue felagolagomai o faalapopotoga, aemaise lava le Matagaluega o Punaoa Faalenatura ma Siosiomaga (MNRE), e faamalosi ai le usitaia o Tulafono ma taumafaiga tau puipuiga i totonu o nuu ma alalafaga. I le tali atu, ua fuafua le Pulega e galulue soosootauu ma le MNRE e faamalosi faalauiloa faalauaitele mo le mamalu o le atunuu aemaise polokalame faale-aoaoga e tulaia i le:

1. Aafiaga faaletulafono o le susunuina o lapisi e lē faatagaina
2. Aafiaga i le siosiomaga e afua mai i ia gaoioiga
3. Aafiaga i le soifua maloloina ma le saogalemu o tagata ma nuu
4. Mafai ona faatupulaia o mu laiti e avea ma faalavelave ogaoga
5. O le sootaga o mu i nofoaga taalaelae ma suiga o le tau ua faateleina ai tulaga lamatia o mu

O lenei auiliiliga o le a taitaitama i fuafuaga a le Pulega mo le lumanai, aemaise lava le faasoasoina o punaoa,

sootaga ma le atunuu lautele ma lagolagoina faiga faavae ina ia mafai ai ona faaitiitia le fuainumera ma aafiaga o mu e mafai ona foia.

O isi ituaiga mu eseese faaopoopo ua faamauina le faatupulaia o faalavelave e tali atu i ai le Vaega e Tali atu i Mu ma Faalavelave Tutupu Faafuasei e aofia ai:

- Mu o Taavale, lea ua siitia i le 69%,
- Mu o Pou Eletise, lea ua siitia i le 106%, ma
- Mu o Vaomatua, lea ua siitia i le 75% pe a faatusatusa i le tausaga faaletupe talu ai.


I le ma le isi, ua faamauina le faaitiitia o faalavelave tau mu eseese, e aofia ai Mu o Fale, Mu o le Vao ma Mu tau Eletise. O le vaega ua faamauina o “Isi ituaiga Mu” o loo faatumauiina pea le aofai o faalavelave i le 18 i TF 24/25 ma le TF 23/24.

O le aofaiga atoa o faalavelave tau mu mo le TF24/25 e 411, ua faaalia mai ai se siitaga e 3% mai le 398 o faalavelave na faamauina i le TF23/24. O lenei tulaga o loo atagia mai ai le tele o le manaomiaga mo le auaunaga a le Pulega ma o loo faamamafa ai le manaomia ona faaauau o le nofo sauniuni, o le faasoasoina o punaoa, ma le sootaga ma le atunuu lautele ina ia lelei ona mataitu tulaga lamatia o mu e ono tulai mai.

VAAIGA O LE LIMA TAUSAGA O FAALAVELAVE TAU MU ESEESE UA TALI ATU I AI

SIATA O FAALAVELAVE TAU MU ESEESE UA TALI ATU I AI MAI LE TF20/21 I LE TF24/25										
	Mu o Fale	Mu o Vao	Mu o Lapisi	Mu o Taavale Afi	Mu tau Eletise	Mu o Pou Eletise	Mu o le Vaomatua	Isi ituaiga mu	Aofai	Suiga i Pasene
20/2021	49	20	126	15	35	0	1	10	256	-27.48
21/2022	64	85	181	13	10	0	9	23	385	50.39
22/2023	67	49	123	18	18	11	7	12	305	-20.78
23/2024	82	60	184	13	25	15	1	18	398	30.49
24/2025	67	53	192	22	24	31	4	18	411	3.27

VAAIGA O FAALAVELAVE TAU MU ESEESE UA TALI ATU I AI MAI LE TF20/21 - TF24/25



O le auiliiliga o le siata mo le lima tausaga o loo manino mai ai ituaiga mu eseese e aofia ai Mu o lapisi, Mu o Taavale, Mu o Pou Eletise ma Mu o le Vaomatua ua oo uma i le tulaga o le siitia pea o fuainumera o faalavelave faamauina. O lenei faamaumauga e mafai ona faaagaina e le Pulega i a latou polokalame faalauiloa mo le silafia e le atunuu lautele.


O lenei siata o loo atagia ai le siitia o le mafaigafatia o le Pulega i le tuuina atu o auaunaga lelei i taimi talafeagai ma ua ausia ai le siitia o manaoga mo le tali atu i faalavelave tutupu faafuasei. Peitai, o loo atagia mai ai foi le faatupulaia o le faitau aofai o tagata ma le faaauauina o atinae e ono aliae mai ai ni faalavelave tutupu faafuasei e faamoemoe e faaauauina ona faatupulaia i tausaga o lumanai.

I le aotelega, ua siitia le tali atu a le Pulega i faalavelave tau mu, o lona uiga e faapena foi ona tele le aafiaga o le aufaigaluega i ni tulaga e ono lamatia ai le soifua i taimi e faatino ai le auaunaga o le tali atu i faalavelave tutupu faafuasei. E pei ona matauina i le siata o le lima tausaga, e mafai e le Pulega ona nofo sauni mo le faatumauiina po o le siitia te isi foi o le fuainumera o faalavelave tau mu i le lumanai. O lenei malamalamaaga e taua tele mo fuafuaga faataatitia e aofia ai le faasoasoina o tupe, faatulagaga o punaoa ma le faafoeina o tagata galulue, ina ia mautinoa le faaauauina pea o le tuuina atu o auaunaga aupito sili ona lelei mo tagatanuu o Samoa.

E le gata i lea, e tataui i le Pulega ona toe iloilo ma siitia alauni o tulaga lamatia ma le saogalemu o le aufaigaluega po o le tuuina atu o tau, ina ia atagia manino ai le lava tapena o le aufaigaluega i taimi uma e feagai ai ma nei tulaga matautia ma faamautinoa le faaauauina pea o le soifua manuia ma le faamalosi i tagata faigaluega o loo muamua tali atu i faalavelave faafuasei.

TALI ATU I ISI FAALAVELAVE TUTUPU FAAFUASEI E LE O NI MU I LE TF2023/2024 vs TF2024/2025

GALUEGA FAATINO MO LE NOFO SAUNIUNI TF23/24 vs TF24/25					
TF	Faataitaiga o Valaau ma Lapataiga	Asiasiga faamasani/ Faataitaiga o Pamu Vai	Asiasiga o Paipa Fuimu	Aofai	Suiga i pasene
2023/2024	10	26	14	50	0.78
2024/2025	14	35	238	287	4.74




E pei ona atagia atu i le siatia, o Galuega Laveai ma Faailo Sese o Mu ua faamauina le siitia pe a faatusatusa i le tausaga faaletupe o le tausaga ua tuana'i. Ua siitia Galuega Laveai i le 18%, mai le 22 i le 26 o faalavelave tutupu, ae ua siitia foi Faailo Sese o Mu i le 12%, mai le 247 i le 277 o faalavelave. O lenei siitaga o loo ua atagia ai le faaauauina pea o le faatinoina o galuega tauave faaletulafono a le Vaega o loo Tali atu i Mu ma Isi Faalavelave Tutupu Faafuasei aemaise lava i le lava tapena ma sauniuni i le taimi e tutupu ai faalavelave eseese.

E tumau pea le leai o ni suiga mo le vaega o Faalavelave tau Taavale Afi i le vaitaimi ua lipotia, o loo ua faailoa manino mai ai foi le mautu o le aofai o mataupu e tali atu i ai i lea vaega.

O le aotelega, ua siitia ai le aofaiga o Faalavelave Tutupu Faafuasei e le o ni Mu mai le 404 i le 431, o loo ua atagia ai le siitaga e 7% mo le Vaega o loo Tali atu i Mu ma Isi Faalavelave Tutupu Faafuasei. O lenei siitaga o loo faailoa mai ai le faatuputupulaia o le manaomiaga o le auaunaga a le Pulega faapea isi mataupu faaopoopo o galuega tuuina atu i le afaigaluega faapea foi ma punaoa.

SIATA O LE LIMA TAUSAGA MO LE TALI ATU I ISI ITUAIGA O FAALAVELAVE TUTUPU FAAFUASEI E LE O NI MU TF2020 - TF2024

TALI ATU I ISI ITUAIGA O FAALAVELAVE TUTUPU FAAFUASEI E LE O NI MU TF2020 - TF2025							
TF	MVA	Galuega Laveai	Faailo Sese o Mu	Oloa Matautia (Vailaau oona)	Isi	Aofai	Suiga i pasene
2020/2021	79	11	119	2	24	235	-1.67
2021/2022	82	8	143	5	17	255	8.51
2022/2023	110	19	162	6	5	302	18.43
2023/2024	117	22	247	2	16	404	33.77
2024/2025	117	26	276	1	11	431	6.68



O le siata lea o le lima tausaga o le tali atu isi ituaiga o Faalavelave tutupu Faafuasei, o lo o atagia ai se siitaga maoae i le aofaiga o faalavelave na faamauina. O le vaega a le Galuega Laveai, Faailo Sese o mu, ma Taavale Afi o loo ogatasi o loo tumau pea le siitia i lea vaitaimi. E ese mai ai, o vaega o Vailaau Oona ma isi vaega ua atagia ai le fesuaiga i totonu o lenei lima tausaga.

I lona aotelega, o faamaumauga nei o loo atagia ai le siitia o faalavelave tutupu faafuasei e le o ni mu i le lima tausaga ua tuanai. O lenei siata o loo aiaia ai le taua o le tofa tatala o le Pulega, ina ia faamamafa le tulaga manaomia o fuafuaga faataatitia ina ia faamautinoa ai le lava tapena ma le tuuina atu o le auaunaga mo faalavelave tutupu faafuasei aupito sili ona lelei. Talu ai le siitia o mataupu e atagia ai le faatupulaia pea o le manaomia o le auaunaga a le Pulega, ua faailoa mai ai foi ma le faatupulaia o tulaga lamatia o tagata faigaluega. E mafai e le Pulega ona faaoga nei faamatalaga e saga faamalositia ma uunaia ai sootaga ma paaga totino aemaise o polokalame faalauiloa, e faalauiloa ai faiga saogalemu e faaitiitia ai le tulai mai o faalavelave e mafai ona tineia, ina ia faaitiitia ai foi le avega o galuega a le pulega.

VAEGA O AUAUNAGA TAU TAAVALE AVE MA'I:


O le Vaega o Auaunaga tau Taavale Ave Ma'i, o se tasi lea o vaega autu i totonu o le Pulega. O le Auaunaga tau Taavale Ave ma'i, lea e faatinoina togafitiga muamua, ma e avanoa i le 24 itula o le aso, fitu aso o le vaiaso e tuuina atu ai le auaunaga mo soo se ituaiga o faalavelave tutupu faafuasei.

I lalo o le faatulagaga fou ua faamaonia mai mo le Ofisa, o lenei vaega o ua suia i se Vaega autu Tutoatasi, ina ia vavae ese mai le Vaega o loo Tali atu i Mu ma isi faalavelave tutupu faafuasei lea o loo iai i le taimi nei. O lenei suiga ua mafua ona o le faatupulaia o le tulaga manaomia o le auaunaga, ua atagia ai le taua tele o lea auaunaga i totonu o le Pulega. O lea suiga o loo taulai i le faamalositia lea o le tuuina atu o le auaunaga aupito sili ona lelei, ma le tomai faapitoa e faatino ai togafitiga faafoma'i i taimi o faalavelave faafuasei i le mamalu o le atunuu i soo se taimi.

O loo avanoa nei Auaunaga tau Taavale Ave Ma'i i ofisa tinei mu uma e lima (5), ina ia faamautinoa le mafai ai ona maua e le atunuu o avanoa i ia auaunaga. O le siata ma le kalafi o loo i lalo o loo faaalai ai le faatupulaia o le manaomia tele o lenei auaunaga.

VAEGA O AUAUNAGA TAU TAAVALE AVE MA'I TF23-24 - TF24-25


AUAUNAGA TAU TAAVALE AVE MAI TF23/24 vs TF24/25						
TF	Kuata 1 2023/2024	Kuata 2 2023/2024	Kuata 3 2023/2024	Kuata 4 2023/2024	AOFAI	Suiga i Pasene
TF23/24	1023	1178	1190	1099	4490	21%
TF24/25	1325	1422	1636	1529	5912	32%



O le kalafi o loo faalia manino ai le faaauau ona siitia faalavelave e manaomia ai le auaunaga tau taavale ave ma'i. O se iloiloga faatusatusa i le va o tausaga faaletupe nei e lua o loo atagia ai le telē o le siitaga e 32% faatasi ai ma le siitia o le aofai o auaunaga tau taavale ave ma'i mai le 4,490 i le TF23/24 i le 5,912 i le TF24/25. O lenei siitaga faaauau i totonu o kuata uma e fa (4) o loo tau mai ai le maualuga o le faamoemoega ma le manaomia o lenei auaunaga tau taavale ave ma'i ile atunuu atoa.

O lenei siitaga o loo atagia ai le faatupulaia o le faalagolago o le atunuu lautele mo Vaega o auauna tau taavale ave ma'i a le Pulega, ma faamamafa ai le taua o tiute tauave ma le tele o luitau o le mafaigafatia o feagai ai ma le aufaigaluega. O lenei siata o loo faamamafa mai ai le manaomia ona faaauau ona taulai le silasila i tagata faigaluega, o taavale, aemaise meafaigaluega manaomia ina ia faatumaui ai le faafoeina lelei, talafeagai ma le taimi, ma le lelei atoatoa o le auaunaga tau togafitiga muamua i totonu o le atunuu.

AUAUNAGA TAU TAAVALE AVE MA'I TF20/21 - TF24/25						
TF	Kuata1	Kuata2	Kuata3	Kuata4	AOFAI	Suiga i pasene
2020/2021	677	606	689	868	2840	51.06
2021/2022	916	955	1257	1162	4290	-13.43
2022/2023	892	800	923	1099	3714	20.89
2023/2024	1023	1178	1190	1099	4490	31.67
2024/2025	1325	1422	1636	1529	5912	-100.00



O iloiloga o le vaaiga mo Auaunaga tau taavale ave ma'i o le lima tausaga, o loo faaalua ai le siitaga tele i le aofaiga o auaunaga tau taavale ave mai. E ui e 13% na faaitiitia ai mai le TF22/23, o lea siata o loo atagia ai le aotelega o le faaauau o le siitaga mai tausaga ua mavae seia oo mai i le aso. O lona uiga o loo tau mai ai o loo malamalama le atunuu lautele ua alualu i luma le faatinoga o galuega a le Pulega. E tusa ai ma le maua luga o le tulaga manaomia mo Auaunaga tau taavale ave ma'i, e taua tele le lelei atoatoa o nei auaunaga ina ia aoga ma ia lelei ona faafoe.

Galuega faatino faaopoopo mo le auaunaga tau taavale ave mai

E le gata i le tali atu i faalavelave faafuasei i le auaunaga tau taavale ave ma'i, e tuuina atu foi le fesoasoani a le aufaigaluega o taavale ave ma'i i aso faapitoa ma faatasiga tetele a le atunuu e ala i le sauniuni mo le tuuina atu o la latou auaunaga. E aofia ai fonotaga aloaia e auai ai malo faaaloaloga, o taaloga faataamilosaga a aoga lea e ono tulai mai ai manuaga, aemaise foi le tuuina atu o le fesoasoani faafomai mo togafitiga faapitoa aemaise lava nai tagata matutua po o i latou foi ua manaomia vave ona ave i le falemai poo lona aiga foi.

O nei matafaioi faaopoopo e faaalua atili ai le taua tele o le matafaioi a le Vaega o Auaunaga tau taavale ave ma'i, ina ia faalautele a latou auaunaga ia le gata i valaau mo faalavelave faafuasei ina ia faamautinoa ai le saogalemu o tagata lautele ma le faaauauina o le auaunaga i le tele o nuu ma faatasiga eseese. O le faatupulaia o le manaoga mo nei auaunaga ua atili ai ona mamafa le faatinoga o galuega a le Pulega, ma faamalosi ai le lava o punaoa, fuafuaga tau tagata faigaluega, ma le faaleleia o mea faigaluega e faatumaui ai le lelei atoatoa o auaunaga.

1. Tauaofiaga a le Palemene i le Masina o Me 2025
2. Aso o le Tutoatasi o le Malo o Samoa
3. Fonotele a le Ekalesia Faapotopotoga Kerisiano i Samoa - Malua
4. Taaloga Lakapi Liki faaitulagi / faavaomalo i Upolu ma Savaii
5. Taaloga faataamilosaga o le Soka
6. EMR auai i faataitaiga mo le faagasologa o galuega mo le faafeaoina o taitai o Malo o le Taupulega ia Oketopa 2024
7. Fonotaga a Taitai a Malo Taupulega (CHOGM 2024)
8. Polokalame faatino i le Taumeasina Aperila 2025
9. Lagolago i le Polokalame a le Toomaga mo e Puapuagatia sa faia i le Apia Park
10. Faaleoleo mo Koneseti i Tuanaimato

Mo le Tausaga Faaletupe 2024/2025, sa faamaui ai se aofai e 95 o gasegase na faaoga ai le Auaunaga tau

Taavale Ave Ma'i.

O lenei tulaga o loo faaauau pea ona faailoa mai ai le siitia o le faaaogāina o le Auaunaga tau Taavale Ave Ma'i (EMR). O le siitia o le aofai o gasegase e faaaogaina lenei auaunaga, o loo faailoa mai ai le faalagolago tele o le mamalu o le atunuu i le Pulega mo fesoasoani tau le feaveaina o gasegase, aemaise lava mo gasegase matutua, ma i latou e manaomia togafitiga faapitoa, faapea foi ma le feaveaina o gasegase i le va o falemai. O lenei tulaga ua atagia mai ai le matafaioi taua a le Pulega i le lagolagoina o faiga tau soifua maloloina a le atunuu, ma faamalosi ai le taua o le tausisia ma le faaleleia pea o lenei auaunaga ina ia mafai ai ona tali lelei atu ai i manaoga o le mamalu o le atunuu.

A o faaauau pea ona matauina e le Vaega e nafa ma Auaunaga tau Taavale Ave Ma'i le siitia o manaoga mo taavale ave ma'i, ae o loo tali atu foi le Pulega i faalavelave tutupu faafuasei i totonu o nuu ma alalafaga ma isi faalavelave e le i fuafuaina e manaomia ai se fesoasoani vave. O nei faalavelave e aofia ai le fesoasoani i aiga ua loka tamaiti i totonu o taavale, tuuina atu o le fesoasoani i tagata ua manunu'a i faalavelave, poo le sailia mai o meatotino ua leiloloa i se auala faigata. O le faailoaina o lenei tali atu ua atagia ai le mafai e le Pulega ona fetuutuunai galuega, sootaga ma nuu ma alalafaga ma le naunautaiga i le saogalemu o tagata o le atunuu ma faamautinoa ai o loo lava tapena le aufaigaluega e fesoasoani i tagata o le atunuu i faalavelave tutupu faafuasei eseese.

ISI GALUEGA TALI FESOASOANI ATU AI I NUU MA ALALAFAGA:

E le gata i auaunaga masani mo faalavelave tutupu faafuasei, o loo tuuina atu e le Pulega se fesoasoani taua tele i le anoanoai o faalavelave tutupu faafuasei i totonu o nuu e le o aofia i lalo o vaega masani o tinei mu, faafomai, poo galuega laveai aloaia. O nei faiga e tali atu ai o loo faailoa mai ai le tino o le aufaigaluega a le SFESA ma le mafai ona fetuutuunai i le faamautinoaina o le saogalemu lautele i soo se tulaga.

O faataitaiga o nei galuega e aofia ai le fesoasoani i aiga ua loka tamaiti i totonu o taavale, tali atu i tagata ua manunu'a i faalavelave tau taavale poo ni faalavelave e seāseā tutupu e pei o tagata ua osofaia e malie, faapea le taumafai e sailia mai o meatotino ua leiloloa i se auala faigata pe lamatia. E ui o nisi o nei faalavelave, e pei o le fesoasoani i se tamaitiiti ua loka i totonu o se taavale, e mafai ona faavasegaina o ni galuega laveai, ae o loo faamauina i lalo o Isi Galuega Faatino Fesoasoani i Nuu ma Alalafaga, ona o le natura o le galuega ma le maualalo o le tulaga lamatia pe a faatusatusa i galuega laveai aloaia.

O le faamauina o faamatalaga o nei galuega fesoasoani o loo faaalua mai ai le naunautaiga o le Pulega e tali atu i nuu ma alalafaga, ma faamamafa ai le vaaiga lautele o auaunaga o loo tuuina atu i tua atu o gaoioiga masani e tali atu ai i faalavelave faafuasei, faamalosi ai le taua o le nofo sauniuni, faamaopoopoga, faapea le faasoasoina tatau o punaoa. O nisi o nei galuega faatino e pei o le;

- ✚ Tali atu i faalavelave pe afai ua loka le taavale ae o loo galo le ki i totonu o le taavale, e aofia ai ma tamaiti e le i fuafuaina le loka i totonu o taavale.
- ✚ Fesoasoani i le aveina o gasegase tino puta i totonu o le Taavale Ave Ma'i ma feaveai i le va o le Falema'i ma o latou aiga.
- ✚ Fesoasoani i le sailia ma le toe mauaina o telefoni a turisi na pa'ū i va o maa o le taligalu.
- ✚ Aveesea o laau ma otaota o loo poloka ai auala a aiga i taimi o le louloua o le tau.
- ✚ Tali atu i se valaau mai le Kolisi o Avele o se tane kesi ua liki ma aveesea le fagaau mai le tane kesi, ona valaau lea i le Kamupani Kesi e o mai e fesoasoani i le faafitauli.
- ✚ Aumaia i lalo o le tino o se tagata ua pule i le ola mai le laau.

✚ Fesoasoani i aiga o loo nonofo latalata i vaituloto ma auvai e ala i le aveeseina o laau tetele ma otaota o loo poloka ai le tafe o le vai.

A o tumau ai le avea o le tali vave atu i faalavelave tutupu faafuasei ma talosaga a le atunuu o se tiute tauave autu a le Pulega, e taua tele le faatumauiina o le tulaga maualuga o le nofo sauni e tali atu, ina ia mautinoa ai o loo mafai e le aufaigaluega ona faaauau le ofoina atu o auaunaga lelei i taimi talafeagai. O loo faatinoina e le Pulega ni faataitaiga mo le Nofo sauniuni e tali vave atu i faalavelave tutupu faafuasei, e aofia ai faataitaiga faafoliga, asiasiga o paipa tinei mu, ma asiasiga faamasani i pamu vai, ina ia faamalosia ai le tulaga nofo sauniuni o le aufaigaluega, faaleleia o le vave tali atu, ma faamautinoa o loo lelei atoatoa punaoa i taimi e tulai mai ni faalavelave. O nei galuega faatino e faaleleia atili ai gaoioiga masani a le Pulega ma fesoasoani i le faamalosia o le lava tapena ma le lelei atoatoa o galuega e tali atu ai i faalavelave tutupu faafuasei i totonu o Samoa.

GALUEGA FAATINO MO LE NOFO SAUNIUNI:

I lipoti faaletausaga talu ai, sa lipotia faatasi ai Galuega Faatino mo le Nofo Sauniuni ma Faalavelave Tutupu Faafuasei na tali atu ai le Pulega. Ina ia manino atili ma tulaia lelei, ua vaevaeina ai nei galuega faatino i totonu lenei lipoti ina ia mafai ona faailoa manino taumafaiga a le Pulega i ana fuafuaga ua saunia ma le mafai ona tali atu i faalavelave tutupu faafuasei.

O nei Galuega Faatino mo le Nofo Sauniuni e tulaia i le faamalosia o le nofo tapena a le Pulega, i taimi e tali vave atu ai, ma le tapenaga aoao mo faalavelave eseese. O galuega autu e aofia ai:

1. Faataitaiga o Galuega /Faataitaiga Faafoliga

✖ Faatautaia faatasi ma pisinisi ma faalapopotoga ina ia faamautinoa ai ua malamalama le aufaigaluega i faiga masani o faalavelave tutupu faafuasei. O nei faataitaiga e faataitai ai foi fuafuaga tau le tuumuli ese o tagata pe a tulai mai se faalavelave faafuasei ma le nofo sauni o le faalapopotoga i taimi e tulai mai ai se mu poo se isi faalavelave tutupu faafuasei.

2. Asiasiga Faamasani/Faataitaiga o Pamu Vai


✖ Faatautaia e faamautinoa ai ua malamalama le aufaigaluega i nofoaga o loo i ai pamu vai (booster) ma siaki poo lelei atoatoa. O nei gaoioiga e faaleleia ai le tulaga nofo sauniuni o le aufaigaluega ma le lelei o faatinoga i taimi e tulai mai ai faalavelave tutupu faafuasei.

3. Asiasiga o Paipa Tinei Mu

✖ Faatautaia e faamautinoa ai ua nofo silafia le aufaigaluega i nofoaga o loo i ai paipa tinei mu ma le tulaga lelei o le faagaoioiga. O lenei tulaga e faamautinoa ai le mafai e le aufaigaluega ona maua vave paipa i taimi e tulai mai ai se mu ma tuuina atu ai se tali lelei.

I le aotelega, o nei faatinoga e taua tele i le siitia o le mafaigafatia a le Pulega i le faatinoga o ana galuega, ma faamautinoa ai ua lava tapena le aufaigaluega, ma faaleleia ai le tali atu i faalavelave faafuasei i le tulaga maualuga ma lelei.

GALUEGA FAATINO MO LE NOFO SAUNIUNI TF23/24 vs TF24/25					
TF	Faataitaiga o Galuega Faatino	Asiasiga Faamasani/Faataitaiga o Pamu Vai (Booster)	Asiasiga o Paipa Tinei Mu	Aofai	Suiga i Pasene
2023/2024	10	26	14	50	0.78
2024/2025	14	35	238	287	4.74




O Galuega Faatino mo le Nofo Sauniuni mo le TF 2024/25 na faamauina ai se tulaga siitia i vaega uma o galuega faatino. Na siitia Faataitaiga o Galuega Faatino mai le 10 i le 14, siitia Asiasiga Faamasani/Faataitaiga o Pamu Vai (Booster) mai le 26 i le 35, ma Asiasiga o Paipa Tinei Mu na faamauina ai se siitaga tele mai le 14 i le 238. O lenei tulaga o loo atagia mai se siitaga mata'ina e 474% i asiasiga o paipa tinei mu pe a faatusatusa atu i le tausaga faaletupe ua tuanai.

O le siitaga mauuluga o le aofai o asiasiga o paipa tinei mu e mafua mai i le taunuuga na oo i ai le soalaupulega o le mataupu ua tausagā i le va o le Pulega ma le Pulega o Suavai (SWA). I tausaga ua mavae, sa le mafai ona galulue faatasi ma maua avanoa i faafanua ia na faatuai ai ona faia asiasiga. I le maea ai ona foia o lenei mataupu, ua mafai ai nei e le Pulega ona faatautaia iloiloga auiliili ma asiasiga o paipa tinei mu i vaega ia, faamautinoa ai le faaleleia o tulaga o le nofo sauniuni ma le mafai ona maua punaoa i taimi o faalavelave tau mu tutupu faafuasei.

VAAIGA O LE LIMA TAUSAGA MO GALUEGA FAATINO MO LE NOFO SAUNIUNI TF 2020-2025

GALUEGA FAATINO MO LE NOFO SAUNIUNI TF2020 - TF2025					
TF	Faataitaiga o Galuega Faatino	Asiasiga Faamasani/Faataitai ga o Pamu Vai (Booster)	Asiasiga o Paipa Tinei Mu	Aofai	Suiga i Pasene
2020/2021	14	0	0	14	-0.17
2021/2022	0	0	0	0	-1.00
2022/2023	3	14	11	28	1.00
2023/2024	10	26	14	50	0.78
2024/2025	14	35	238	287	4.74



O le vaaiga o le lima (5) tausaga i Galuega Faatino mo le Nofo Sauniuni ua faaalua mai ai se tulaga siitia o vaega uma o galuega faatino. O lenei tulaga ausia e le gata i le faamalosi o galuega sauniuni a le Pulega ae faapea foi ona fesoasoani i le faatele vave o le taimi e tali atu ai, faamautu le saogalemu o nuu ma alalafaga, ma faaleleia le faatinoga o galuega tinei mu i totonu o Samoa.

VAEGA O AOAOGA:

O le matafaioi taua a le Vaega tau Aoaoga Faa-Tinei Mu o le faamautinoaina lea o loo malolosi faaletino le afaigaluega uma, ia i ai le tomai ma lava saunia e faatino tiute ua tofiaina ai i latou, aemaise lava i le Vaega o Galuega. E nafa foi le Vaega ma le faatautaia o aoaoga toe faamanatu ma aoaoga fou e atiae ai le tomai ma agavaa o le afaigaluega galulue ma faaleleia auaunaga i le tulaga aupito sili ona maua ma lelei faatino le tali atu i faalavelave tutupu faafuasei.

Mo le Tausaga Faaletupe 2024/25, na faamaeaina ai e le Vaega o Aoaoga galuega faatino nei:

- ✘ 249 toleniga mo le tino malosi na faatautaia mo le aufaigaluega uma i totonu o ofisa tinei mu e lima (5).
- ✘ Polokalame tau aoaoga mo le aufaigaluega fou e 40 na faatautaia mo le tolu (3) masina, faaiiina i se faauuga na faia i le aso 20 o Setema 2024.
- ✘ Novema 2024: Aoaoga mo Faiaoga ua tuufaatasia ma le Pulega o Suavai (SWA) i lalo o le faiga paaga ma le APTC. Aoaoga Amata tau Tinei Mu (ON), Aoaoga tau Tinei Mu ma aoaoga o le HAZMAT.
- ✘ Fepuari 2025: Auai i Aoaoga Faafofoma'i mo le togafitia o manuaga tugā na faatautaia e le Nevada Guard.
- ✘ Auai atu i aoaoga tuufaatasi ma polokalame faapaaga i le va o le MNRE ma Nevada Guard i Faleata. Na tuufaatasia ai ni pepa aloaia a le EMR, lea na faalauiloa i le IFFD 2025.
- ✘ Na faatautaia e le Ofisa e Faafoeina Faalavelave Matuia (DMO) se iloiloga o Fuafuaga mo le Tali atu i Faalavelave Matuia Tutupu Faafuasei mo le lua (2) aso, na auai ai foi ma le Vaega o Galuega.

O nei galuega faatino ua faaalua ai le naunautaiga o le vaega e faaleleia galuega tau nofo sauniuni, siitia le mafaigafatia e tali atu ai, ma faamautinoa ua faaaupagaina le aufaigaluega i tomai ma agavaa talafeagai e tali lelei atu ai i faalavelave tutupu faafuasei.

O aoaoga aoatetele na faatautaia i le Tausaga Faaletupe 2024/25 na fesoasoani tele i le faaleleia o tulaga o le nofo sauniuni ma lelei faatinoina o galuega e le aufaigaluega a le Pulega. O toleniga mo le tino malosi, aoaoga faapitoa ma faatinoga tuufaatasi ua le gata ina siitia ai le mafaigafatia o le aufaigaluega, ae e faamalositia ai foi le galulue felagolagomai, nofo sauniuni ma le tali lelei atu o ofisa tinei mu uma. O nei fuafuaga e faamautinoa ai le faaaupagaina o le aufaigaluega i tomai ma agavaa talafeagai e faafoe ai faalavelave tutupu faafuasei eese a o faatumauiina pea le tulaga aupito sili ona maua o tomai faapitoa.

O le atiaeina o le aufaigaluega ina ia aoaoina lelei ma nofo sauniuni, e faamoemoe foi le Pulega i le Vaega o Inisinia ina ia mautinoa o loo lelei atoatoa taavale ma meafaigaluega uma o loo faaaogaina. O loo ootoo atu i lalo matafaioi taua a le Vaega i le tausisia o taavale ma meafaigaluega ma fesoasoani i le tuuina atu o auaunaga tau tinei mu ma taavale ave mai i taimi o faalavelave tutupu faafuasei.

VAEGA O INISINIA:

O le Vaega o Inisinia e nafa ma le tausiga, toe faaleleia, ma le faagaoioia o taavale ma meafaigaluega uma a le Pulega e faaaoga i taimi o faalavelave tutupu faafuasei. O lenei tulaga e faamautinoa ai le mafai ona maua ma le faatuatuaina o punaoa a le SFESA, ina ia mafai ai e le Pulega ona tali lelei atu i manaoga o loo faatupulaia.

O luitau o loo feagai ma le vaega e aofia ai le tausiga o taavale tuai ma le faaopoopoina o le mamafa ona ua toatele le aofai o le aufaigaluega ma ua manaomia ni meafaigaluega ina ia ogatasi ma atinae fou. I le tali atu i nei manaoga, e toafitu (7) le aufaigaluega faamoemoeina o loo faagaoioia nei le vaega e nafa ma le tausiga ma le tapenaina o taavale ma meafaigaluega uma.

Tulaga ausia autu mo le Tausaga Faaletupe 2024/25, e aofia ai le:

- ✘ Faamaonia o le Fuafuaga Faaletausaga mo le Tausiga e limataitaiina ai le faatulagaina o le tausiga ma le toe faaleleia o taavale ma meafaigaluega.
- ✘ Faamaeaina o siaki o taavale e 48 i vaiaso taitasi ma galuega faaleleia faale-kuata tausaga e 58.
- ✘ 303 galuega faaleleia ua maea mo taavale ma meafaigaluega ua faaletonu i le tausaga faaletupe.
- ✘ 23 galuega faaleleia mo vaa afi laveai ua maea, e faamautinoa ai le nofo tapena i faalavelave e tulai mai i le gataifale.
- ✘ 39 suega ave taavale na faia mo le aufaigaluega a le SFESA e taasisia ai le mafai ona faatino galuega.

O nei tulaga ausia o loo faailoa mai ai le taua tele o le matafaioi a le vaega i le fesoasoani lea i le mafaigafatia a le SFESA e faatino ai galuega, e faamautinoa ai o punaoa e faaoga e tali atu ai i faalavelave tutupu faafuasei uma e faatuatuaina, saogalemu ma lelei mo le faataunuaina o galuega faaletulafono a le Pulega.

O le maualuga o le aofai o taavale ma meafaigaluega faaletonu ua faamamafa atili ai le tulaga manaomia mo le Pulega o ni taavale ma meafaigaluega fou faaopopo, ua faailoa mai ai le taua o le siitia o le tala o tupe ma le faasoasoina, faapea foi ma le uunaia o faiga paaga ma lala sooupu e fesoasoani pe afai ua utiuti le tupe a le Malo.

Otootoga a le Vaega autu e Tali atu i Faalavelave

O le Vaega e Tali Atu i Faalavelave o le poutu lea a le Pulega, e nafa ma le tineia o mu, auaunaga tau taavale ave ma'i, galuega laveai, ma auaunaga fesoasoani i nuu ma alalafaga i totonu o Samoa. A o faagasolo le Tausaga Faaletupe 2024/25, na faatupulaia le aofai o faalavelave na tali atu ai le Vaega, ua atagia ai le siitia o manaoga a le mamalu o le atunuu atoa ai ma le faalauteleina o le matafaioi a le Pulega i le puipuigamalu o soifua, meatotino ma le siosiomaga.

O le siitia o le aofai o faalavelave tutupu faafuasei e aofia ai mu, faalavelave e le o ni mu, ma le tali atu o taavale ave ma'i, ua faaalua mai ai le tulaga manaomia o le aoaoina lelei, lava tapena ma le faaauppegaina o le aufaigaluega. Na faatautaia e le Vaega o Inisinia ni aoaoga mo le Nofo Sauniuni, polokalame tau aoaoga, ma le tausiga o taavale, e faamautinoa ai o loo lelei atoatoa punaoa; peitai, o le maualuga o le aofai o taavale ma meafaigaluega faaletonu ua manaomia tele ai le faafouina o taavale, fuafuaga faataatitia, ma le faamalositia o faiga paaga ina ia maua ai punaoa fou e faagaioia ai galuega i le lumanai.

Taunuuga Taua: O loo faaalua mai i le faatinoga o galuega le naunautaiga a le Vaega, tulaga e mafai ona fetuunai, ma le tulai i tulaga o nuu ma alalafaga, a o loo faamamafa mai ai foi le taua o fuafuaga mo le lumanai ma le faatupeina o punaoa e mafai ai ona tali atu i le faatupulaia o manaoga i le auaunaga, ma faamautinoa le faaauauina pea o le lelei faatino o galuega ma le saogalemu o le aufaigaluega.

GALUEGA FAATINO 3: VAEGA AUTU O AUAUNAGA TAU SAOGALEMU, FAALAUILOA MA PUIPUIGA MAI MU

VAEGA O SAOGALEMU MA PUIPUIGA MAI MU MA FAALAVELAVE TUTUPU FAAFUASEI

O le Vaega o Saogalemu ma Puipuiga mai Mu ma Faalavelave Tutupu Faafuasei, sa taua muamua o le Vaega o Saogalemu, Faalauiloa ma Puipuiga mai Mu, e aofia ai vaega e fa (4) e faapea ona galulue

soosootauau e faamautinoa le lelei faatino, faamaopoopoga ma le tuuina atu o galuega tauave a le Vaega.

O vaega nei e fa (4):

1. Vaega o Faalauiloa ma Puipuiga
2. Vaega e Tausisia le Saogalemu
3. Vaega o Fesootaiga
4. Ofisa Tutotonu a le Atunuu mo Valaau tau Faalavelave Tutupu Faafuasei (NECC)

O vaega ua taua i lalo o loo auina atu ai se aotelega o vaega taitasi, e amata mai i le Vaega o Faalauiloa ma Puipuiga.


AOTELEGA VAEGA O FAALAUILOA MA PUIPUIGA

O le Vaega o Faalauiloa ma Puipuiga e nafa ma le faatautaia o aoaoga ma polokalame faalauiloa mo tagata lautele faapea nuu ma alalafaga, lea e taulai i auala e faafae ai, puipuia ma faaitiitia aafiaga o mu ma faalavelave e fesootai i ai. O loo avea pea le uunaia ma le faamautinoa o le ogatasi o auala tau puipuiga ma faamuamua autu o taumafaiga faalauiloa a le Vaega.

E pei ona atagia i totonu o le siata ua taua i lalo, na maoae le siitia o le aofai o galuega faatino mo le TF2024/25 pe a faatusatusa i le tausaga faaletupe talu ai. E ono selau tolusefulu iva (639) galuega faatino na faamauina i lenei tausaga faaletupe; o se siitaga e 30% mai le fa selau iva sefulutolu (493) o galuega faatino i le TF2023/24. O lenei siitaga ua faailoa mai ai le naunautaiga faifaiepea a le Vaega i le faaleleia o ana polokalame faalauiloa ma galuega faatino i tausaga taitasi. O le siitia o polokalame faalauiloa ua atagia le toatele o tagata auai i nei polokalame i nuu ma alalafaga.


Aofai o Galuega faatino mo le Saogalemu ma Puipuiga mai Mu TF2023-2024 i le TF2024-2025													
Vaitaimi	Polokalame Faalauiloa	Aoaoga mo le aufaigaluega Tinei Mu	Faataitaiga o le faaaoagaina o fagu tinei mu	Faamatalaga mo Faalauiloa	Faasalalauga Faalauiloa i luga o le TV	Faatatalanoaga i luga o Leito/TV	Polokame faalauiloa i luga o upegatafaiagi	Faataitaiga o le Tuumuli ese pe a tutupu faalavelave faafuasei	Fesoasoani mai Paaga Autu	CDCRMILA	Aoaoga i tua i Nuu ma Alalafaga	Isi aoaoga	AOFAI
TF 2023- 2024	153	35	36	34	3	23	158	14	12	4	10	11	493
TF 2024 -2025	144	40	40	33	2	16	296	15	12	10	25	6	639
% Suiga	-5.9	14.3	11.1	-2.9	-33.3	-30.4	87.3	7.1	0	150	150	-45.4	29.6

Aofai o Galuega faatino mo le Saogalemu ma Puipuiga mai Mu ma Faalauiloa TF2024-2025



O le auiliiliga o le siata ua tuuina mai, ua faailoa mai ai se siitaga tele e 87% o galuega faalauiloa e faatino i luga o upegatafailagi i le Tausaga Faaletupe 2024/2025. O lenei faiga o loo faaaauau pea ona aoga i le faaooina atu o faalauiloa i se aofaiga tele o tagata, aemaise lava i siosiomaga ua limataitaina i tekonolosi i nei ona po. E le gata i lea, o galuega faatino e pei o Aoaoga i tua i Nu'u ma Alalafaga, Faatinoga o le Tuumuli ese pe a tutupu faalavelave faafuasei, Aoaoga mo le Aufaigaluega Tinei Mu, Faataitaiga o le faaaogaina o le fagu tinei mu, ma le CDCRMLA na faamauina foi le tulaga siitia pe a faatusatusa atu i le tausaga faaletupe ua mavae atu. O isi galuega faatino ua faailoa mai ai a le o se faaitiitiga itiiti, po o loo tumau pea i faamaumauga o le Tausaga Faaletupe 2023/2024. O le aotelega o tulaga auiluma ma galuega faatino a lenei Vaega o loo faaalia atili mai i totonu o le vaaiga o le lima tausaga e faapea ona mulimuli mai.

VAAIGA O LE LIMA (5) TAUSAGA MO GALUEGA FAATINO TAU FAALAUILOA MA PUIPUIGA



I lona aotelega, o le agai i luga i le aofai o galuega na faatinoina e lenei Vaega, ua faailoa mai le naunautaiga tele o le Vaega i le faasopolia o tagata auai ma faaleleia o faatinoga o galuega i tausaga taitasi.


I le amanaia o taumafaiga a le Vaega o Faalauiloa ma Puipuiga, ua faatino e le Ofisa o le Tausisia o le Saogalemu se matafaioi taua i le faamalosia o faiga faataatitia mo le saogalemu mai mu ma faamautinoa le tausisia o tulafono talafeagai ma tulafono faatonutonu.

AOTELEGA VAEGA E TAUSISIA LE SAOGALEMU

O le Vaega e Tausisia le Saogalemu e mataituina ma faamalosia auala faafae ma faiga faavae tau puipuiga mai mu ma faatino le anoanoai o galuega ma polokalame e pei ona faailoa i le siata o i lalo. I totonu o le Tausaga Faaletupe 2024/2025, na faatino ai e le Vaega ni polokalame eseese e sefulutolu (13), e ono selau fitu sefulu fitu (677) galuega na maea ona faatinoina. Ua atagia ai se faaititiga itiiti e 1% pe a faatusatusa i le ono selau valu sefulu ma le tolu (683) o galuega faatino na faamaeaina i le tausaga faaletupe talu ai.

Aofai o Galuega mo le Tausisia ma Suesuega tau Mu: TF2023-2024 - TF2024-2025													
Aofai	Isi faalavelave	Faataitaiga o Faaaliga faailo (Sailini)	Penita mo Galuega tau Uelo (Galuega vevae)	Faataitaiga o Pamua Vai	Suesuega o mu (FIA)	Fonotaga mo le saogalemu i luga o auale	Fautuaga a le PUMA	Asiasiga a Komiti o Penisini ma Suauu	Asiasiga a Komiti o Fale Talimalo	Asiasiga mo le saogalemu i fale faigaluega	Asiasiga o Fale Fou	Asiasiga o Oloa Matautia	Vaitaimi
TF2023 - 2024	21	22	19	12	35	0	145	67	64	29	164	11	94
TF2024 - 2025	12	31	23	15	25	1	177	66	31	15	196	33	52
% Suiga	-42.9	41	21.1	25	-28.6		22.1	-1.5	-51.6	-48.3	19.5	200	-44.7


Galuega na faatinoina e le Ofisa o le Tausisia ma Suesuega 2024-2025



E ui lava e eseese taunuuga o ia galuega faatino, ae taua ona faamauina e faapea o le tele o galuega o loo atagia ai se faaitiitiga itiiti na faatinoina lea e paaga totino a le SFESA, a o le lagolago na tuuina atu lea e le Pulega. I lona taunuuga, o le aofai o galuega na faatinoina i nei tulaga e le oo i ai se malosiaga tuusao a le Pulega.

O loo faailoa mai i le siata ua taua i luga e faapea, o le siitaga aupito sili ona maua luga mo le tausaga faaletupe 2024/2025 na māua lea i Asiasiga o Oloa Matautia, lea na siitia i le 200%. Na sosoo mai ai ma le siitaga e 48% o Asiasiga mo le saogalemu i fale faigaluega ma Asiasiga Tuliloa e 45% le siitaga. E leai se suiga i pasene na faamauina i le vaitaimi lava lea mo Faalavelave Tutupu i Luga o Auala.

VAAIGA O LE LIMA (5) TAUSAGA MO LE VAEGA E TAUSISIA LE SAOGALEMU



Ua atagia mai i le vaaiga o le lima tausaga se aotelega o tulaga siitia, ae vagana ai se pau itiiti e 1% i le tausaga faaletupe lenei. Peitai, o le faamaeaina o galuega e 677, ua faailoa mai ai se taumafaiga lelei a le Vaega.

A o taulai le Vaega o le Tausisia o le Saogalemu ma le faamallosia o faiga faataatitia tau saogalemu mai mu, o loo tuuina atu e le Vaega o Fesootaiga se fesoasoani faapitoa taua e faamautinoa ai le faatuatuaina o faiga o fesootaiga a le Pulega i faalavelave tutupu faafuasei. O lenei faiga e aofia ai le tausiga ma le toe faaleleia o leitio a le ofisa, fesootaiga tau leitio a le atunuu mo faalavelave tutupu faafuasei faapea ma taavale.

VAEGA O FESOOTAIGA

O le Vaega o Fesootaiga i lalo o le faatulagaga fou ua faamaonia, o le a faasee atu i le Vaega o le Tinei Mu ma le Tali Atu i Faalavelave Tutupu Faafuasei.

O le Vaega o Fesootaiga e nafa ma galuega taua o le tausiga ma galuega tauave e fesoasoani i le faagaoioiga, ina ia faamautinoa ai le mafai o le ofisa autu ma le aufaigaluega ona tali ma fesootai lelei atu i faamatalaga fou i taimi o faalavelave tutupu faafuasei.

A o faagasolo le tausaga faaletupe 2024/2025, na faatino ai e le Vaega o Fesootaiga le anoanoai o galuega tau tausiga ma galuega tauave e fesoasoani i le faagaoioiga e faamautinoa ai le faatuatuaina o fesootaiga i taimi o faalavelave tutupu faafuasei i ofisa uma. O galuega faatino autu e aofia ai le:

- ✕ Faapipiina o se leitio fou i le Ofisa Autu mo Mu mo le faaleleia o le mafaigafatia tau mataitu.
- ✕ Faamaeaina o le siaki masani faale-kuata tausaga o leitio o taavale mo ofisa uma.
- ✕ Faafouina o moli o taavale, moli faailoilo ma sailini e pei ona manaomia i taavale a le SFESA mo le tali atu.
- ✕ Faatautaia o aoaoga mo le tausiga o le Fesootaiga tau Leitio mo Faalavelave Tutupu Faafuasei (ERN) e aofai ai Upolu ma Savaii.
- ✕ Tausiga faaauau o le masini fou ua maea faapipiina mo faailoilo o mu.

O nei galuega faatino ua faaalua ai le naunautaiga a le Vaega ina ia faatumauiina le nofo sauniuni ma faamautinoa fesootaiga lelei i taimi uma. I lona aotelega, o galuega tau le tausiga ma le fesoasoani a le Vaega na faatinoina i le Tausaga Faaletupe 2024/2025 na faamautinoa ai e faapea, ua faatumauiina pea le faatuatuaina ma lelei faagaoioia o faiga o fesootaiga, e fesoasoani tonu lea i le faatinoga lelei o galuega ma le nofo sauniuni i taimi e tali atu ai i faalavelave tutupu faafuasei.


I le faavaeina i luga o galuega a le Ofisa o Fesootaiga ina ia faatumauiina ai pea faiga faatuatuaina o leitio ma masini faailoilo, e taulimaina ai e le Ofisa Tutotonu a le Atunuu mo Valaau tau Faalavelave Tutupu Faafuasei ma faaoo atu ni valaau i le 911 ma faamautinoa le tali atu i taimi vave i faalavelave tutupu faafuasei i ofisa uma.

OFISA TUTOTONU A LE ATUNUU MO VALAAU TAU FAALAVELAVE TUTUPU FAAFUASEI (NECC)

O loo faagaoioia i le taimi nei le Ofisa Tutotonu a le Atunuu mo Valaau tau Faalavelave Tutupu Faafuasei (NECC) e avea ma se vaega faaopoopo o le Vaega o Fesootaiga, e tuuina atu se auaunaga 24/7 i le mamalu o le atunuu. E nafa le NECC ma le taliina ma le faaooina atu o valaau tau faalavelave tutupu faafuasei i le laina fesoasoani o le 911. I lalo o le Faatulagaga fou ua faamaonia lea ua faatinoina i le taimi nei, o le a faasee atu le NECC i lalo o le Vaega o Galuega poo Tinei Mu ma le Tali atu i Faalavelave Tutupu Taafuasei.


I le Tausaga Faaletupe 2024/2025, e 6,311 le aofai o valaau na taliina ma faaooina atu, o loo faailoa mai ai se siitaga e 1% pe a faatustusa i le 6,278 o valaau i le TF2023/2024. O le siata ua taua i lalo o loo faailoa mai ai le faaauau pea ona avea o le SFESA ma se faalapopotoga e i ai le aofai aupito sili ona maua o valaau ua faaooina atu, e atagia ai le siitia o le manaoga mo auaunaga a le Pulega i taimi o faalavelave tutupu faafuasei.

AOTELEGA O VALAAU NA TALIINA E LE NECC MO LE TF 2023/2024 vs 2024/2025				
VAITAIMI	VALAAU MO AUAUNAGA A LE SFESA	VALAAU MO LE OFISA O LEOLEO	VALAAU MO MATAUPU LAUTELE	AOFAI
TF 2023-2024	4971	1199	108	6278
TF 2024-2025	4982	1172	157	6311



I le auiliiliga o faamaumauga a le NECC i totonu o le lima tausaga talu ai, ua malamalama ai i le faatupula'ia o vaalau tuuina mai, e atagia ai le tulaga manaomia ma le faatumauina o gaoioiga a le Pulega e tali atu i faalavelave tutupu faafuasei.

VAAIGA O LE LIMA (5) TAUSAGA A LE OFISA TUTOTONU A LE ATUNUU MO VALAAU O FAALAVELAVE TUTUPU FAAFUASEI (NECC)



O le auiliiliga o le vaaiga i le 5 tausaga mo valaau i le laina 911, ua atagia ai le siitia pea o valaau tuuina mai faatasi ai ma le faatupulaia o manaoga o le atunuu mo le tali atu i faalavelave tutupu faafuasei. E atagia mai ai foi i lea vaaiga le siitia o le malamalamaaga o le atunuu i le numera e valaau mo fesoasoani atoa ai ma auaunaga ofoina atu a le Pulega. Ona o lea tulaga, ua faamamafaina ai le taua o le faatumauiina ma le faaauau pea o le siitia o le faatinoga o auaunaga tau valaau ina ia mautinoa le lelei atoatoa ma le vave tali atu i faalavelave tutupu faafuasei.

I le TF2024/2025, o loo atagia ai gaoioiga maoae a le Vaega e aofia ai ana Vaega galulue e fa (4), o nei Vaega taitasi na velo'aso uma i le ausiaina o le manulauti a le Pulega o le saogalemu mai mu ma le tali atu i faalavelave tutupu faafuasei. Na ausia e le Vaega mo Aoaoga faalauiloa ma Puipuiga mai mu le maualuga e 639 o ana polokalame faalauiloa i le atunuu, i le aoaoina lea o tagata lautele i auala tau puipuiga mai mu. Na mafai ona faatumauiina e le Vaega e Tausisia ma le Usitaia le Saogalemu le maualuga e 677 o le aofai o ana galuega faatino e aofia ai le mata'itu ma le faamalosia o tulafono faatonutonu o le puipuiga o mu. O le Vaega o Fesootaiga na faatinoina galuega faaleleia manaomia mo leitia, o sailigi ma faailoilo mo faalavelave tutupu faafuasei, ma lagolago atu i tapenaga tau sauniuniga i ofisa uma. I le taimi nei, e 6,311 le aofai o valaau i le laina fesoasoani o le 911 na mafai ona faafoeina e le NECC, ua atagia ai le faatupulaia o le tulaga manaomia atoa ai ma le lelei atoatoa o le tali vave atu a le Pulega i faalavelave tutupu faafuasei. O nei gaoioiga fai faatasi e atagia ai le naunautaiga o le Vaega ina ia lava tapena, ia saogalemu tagata lautele ma faaauau le faaleleia o ana auaunaga.

Taunuuga Taua: A o faagasolo le tausaga faaletupe, na faatinoina ai e le Vaega o Puipuiga o Mu ni matafaioi taua i le uunaia o le saogalemu o le atunuu lautele e ala i polokalame tau puipuiga, aoaoga mo le atunuu lautele ma le faamalosia o faiga tau fesootaiga mo faalavelave tutupu faafuasei. O nei taumafaiga tuu faatasi ua faaleleia ai tulaga o le galulue soosootauau, tausisia o tulafono ma le malamalamaaga o tagata lautele o Samoa.

I le iloiloina ai o faatinoga o galuega ma le sao o auaunaga tau faafoega a le Vaega, ua faailoaina ai i vaega ua mulimuli mai le matafaioi ma galuega faatino a le Vaega o Auaunaga Lautele i le tuuina atu o ana auaunaga taua tau faafoega, auaunaga tau tupe ma lagolago i galuega tauave lea ua mafai ai e le Pulega ona faafoeina lelei ana auaunaga tuuina atu.

GALUEGA FAATINO 4: VAEGA O AUAUNAGA LAUTELE

E fa (4) Vaega autu o lo o galulue faatasi e faatino matafaioi taua i le faamautinoaina o le faatautaia lelei o faiga faavae, taiala, ma taiala faavae tau faafoega a le faalapopototoga. O nei Vaega, e nafa ma le fausia ma faatumauina o auala faafoe, o faagasologa, ma taiala talafeagai e lagolago ai faafoega lava tapena ma taitaiga lelei i totonu o le Pulega. O nei Vaega e 4 e aofia ai le:

- ✘ Vaega o Punaoa tau Tagata Faigaluega (HRD)
- ✘ Vaega o Faamatalaga Faatekonolosi (ITD)
- ✘ Vaega o Faiga faavae ma Fuafuaga (PPD)
- ✘ Vaega o Tupe (FD)

I nei Vaega e fa (4), o le Vaega o Punaoa tau Tagata Faigaluega a le Pulega e faatinoina le matafaioi autu o le faafoeina ma le atinaeina o aseta aupito sili ona taua; o ana tagata faigaluega.

Vaega o Punaoa tau Tagata Faigaluega

O le matafaioi taua o lenei Vaega o le faamautinoaina lea o lo o faafoeina ma lagolagoina lelei manaoga o le Pulega. E aofia ai i ia matafaioi le faamuamua o le saogalemu o le aufaigaluega e ala i le tapenaina o toniga ma meafaigaluega talafeagai mo lo latou saogalemu.

E toalima (5) le aufaigaluega o lo o nafa ma le tele o matafaioi tauave a le Vaega e aofai ai le:

- ✘ Tapena ma tuuina atu faamaumauga o taimi faigaluega mo totogi taitasi
- ✘ Faafoe le faagasologa mo le filifilia ma le faafaigaluegaina o le aufaigaluega
- ✘ Mata'itu ma tuu lata mai faamaumauga o aso malolo a le aufaigaluega
- ✘ Faatau ma tufatufaina atu toniga ma meafaigaluega mo le saogalemu o le aufaigaluega
- ✘ Vaavaaia ma mata'itu totogi mo tau, faamanuiaga ma auala e faafoe ai taimi faigaluega
- ✘ Tuufaatasia o polokalame tau aoaoga mo le atinaeina o tomai faapitoa o le aufaigaluega
- ✘ Mata'itu auala faafoe mo le faatinoga o galuega
- ✘ Tuuina atu fautuaga ma fesoasoani tau faigafaavae mo punaoa tau tagata faigaluega

Galuega na ausia maua luga i le Tausaga Faaletupe 2024/2025 e aofia ai le:

- ✘ Faataunuaina ma le manuia le faafaigaluegaina o le aufaigaluega tinei mu fou e 40 (i le lagolagosua a le Vaega o Aoaoga)
- ✘ Faatauina o togiga mo le aufaigaluega ma i latou na ofoina le auaunaga e leai se totogi i le fonotaga a le CHOGM
- ✘ Faamalositia o le mafaigafatia o le aufaigaluega e ala i avanoa tau aoaoga na auai ai i totonu o Samoa ma atunuu i fafo.

O nei galuega ausia, o foliga vaaia o le naunautaiga faifaiepa o le Vaega i le atinaega o se aufaigaluega fiafia, saogalemu ma mafatotoga i tomai ma agavaa. Mo le agai i luma, o itu o le a ave iai le faamuamua a le Vaega o le a aofia ai se fuafuaga alualu mamao mo le aufaigaluega, tapenaina o ni taiala o galuega ma fausia ni fuafuaga faataatitia ina ia saga faamalositia ai taiala faavae tau punaoa a le Pulega.

I le galulue soosootauau ai ma le pulega o tagata faigaluega, o le Vaega o Faamatalaga Faatekonolosi e latou te faamautinoa le malupuipua ma le tuu lata mai o auala faafoe ma mea faigaluega faatekonolosi o loo faaogaina e le Pulega.

Vaega o Faamatalaga Faatekonolosi

O le Vaega o Faamatalaga Faatekonolosi e aofia ai le aufaigaluega e toatolu (3) lea e nafa ma le tausia ma le faaleleia o auala faafoe faatekonolosi a le Pulega. O a latou galuega e aofia ai le tausiga masani o masini komepiuta, tuu lata mai o tuatusi faakomepiuta, teumaluina o kopi o faamaumauga mo fesootaiga faakomepiuta atoa ai ma le faapipiina o masini komepiuta fou.

Galuega na ausia maua i le Tausaga Faaletupe 2024/2025 e aofia ai le:

- ✗ Tausiga o telefoni uma a le ofisa e aofia ai laina faaopoopo ma laina vili sa'o
- ✗ Faatinoina o kopi o faamaumauga teumaluina mo fetaulaiga o fesootaiga faakomepiuta mai nofoaga i fafo atu o le ofisa autu
- ✗ Tausiga faifaiepa o fesootaiga ma fetaulaiga faakomepiuta
- ✗ Faapipiina o polokalame e faamama ai virusi o komepiuta (Kaspersky Antivirus) mo masini komepiuta uma.

O nei fuafuaga ua faamalosi ai le atinae o auaunaga tau faamatalaga faatekonolosi a le Pulega, faamautinoa o le malupuipua o le puleaina o faamaumauga, fesootaiga faatuatua ma le lelei faafoe o auaunaga faatekonolosi.

O le nofoaga o le Vaega i le Ofisa i Faleata, ua avea ma luitau i le tuuina atu o le auaunaga i taimi talafeagai ona o le utiuti o auala o femalagaiga ma le mamao ma le Ofisa Autu i Apia. O se faaopoopoga i le numera o le aufaigaluega ma le faamatuina mai o se taavale mo femalagaiga, o le a fesoasoani lea i le Vaega i le faamalieina o manaoga tau tekonolosi a le Pulega o loo faatupulaia pea.

I le faalauteleina o tulaga auiluma tau tekonolosi na ausia e le Vaega o Faamatalaga Faatekonolosi, o le Vaega o Faiga faavae ma Fuafuaga na taulai i le faamalosi o taiala faataatitia, taiala tau faiga faavae ma le aotelega o galuega faatino a le Pulega.

Vaega o Faiga Faavae ma Fuafuaga

E toafa (4) le aufaigaluega a le Vaega o Faiga faavae ma Fuafuaga e nafa ma le tapenaina ma le faafoeina o faamaumauga alualu mamao, lipoti faale-tausaga ma lipoti autu a le Pulega. O i latou foi e nafa ma le mata'ituina ma le auiliiliina o galuega faatino a le aufaigaluega.

Galuega na ausia maua i le TF2024/2025 e aofia ai le:

- ✗ Tapena ma tuuina atu le Lipoti Faale-tausaga 2023/2024
- ✗ Faamaeaina o Lipoti o Kuata e fa (4) mo le TF 2023/2024
- ✗ Tapenaina o le Fuafuaga Faale-tausaga mo le TF 2025/2026
- ✗ Tapena ma tuuina atu le Iloiloga o le Tausaga atoa mo le TF 2023/2024
- ✗ Tapena ma tuuina atu Iloiloga o le Afa Vaitaimi o le Fuafuaga Autasi 2021-2024
- ✗ Tuufaatasia o le sauniga mo le taulimaina o taavale fuimu ma mea faigaluega ofoina mai e le Amepasa o Iapani e ala mai i le Poloketi fesoasoani o le (GGP)

I le aunoa ai ma se tagata faufautua tofia faaletulafono, na faatinoina foi e le Vaega mo se taimi le tumau le lagolagosua faaletulafono e aofia ai le iloiloina ma le lauliliuina o Konekarate, Maliega Tusingia (MOUs) ma Maliega Aloia (MOAs) faapea foi le lagolago i le toe iloiloina o le Tulafono o Galuega Tinei Mu ma Faalavelave Tutupu Faafuasei 2007.

E le gata i lea, na fesoasoani foi le Vaega i le faatautaia o poloketi ma feutanaiga ma faalapotopotoga fesoasoani, e aofia ai le tapenaina o talosaga tau tupe e pei ona tuuina atu i le Amepasa o Iapani. O nei taumafaiga ua mafai ai e le Pulega ona faatau meafaigaluega ma punaoa manaomia e faaleleia ai auaunaga tuuina atu.

O loo faaauau pea e le PPD ona taimua i taiala faataatitia ma faamalosia le mafaigafatia tau faafoega o le Pulega i le faamalieina o manaoga o i ai nei ma le lumanai, e ala lea i le faatinoina o ana matafaioi tuufaatasi i le fausia o faiga faavae, o fuafuaga, tuuina atu o fautuaga faaletulafono ma le faafoega o poloketi.

Mo le faatinoga lelei o faiga faavae ma fuafuaga faataatitia, na lagolagosua ai le Vaega o Tupe i le faamautinoaina o le faafoeina lelei o tupe, mafai ona tali atu ma le faaogaina ma le faateete o punaoa a le Pulega.

Vaega o Tupe

O le Vaega o Tupe ua faamatuu i ai le faafoeina o mataupu uma tau tupe ma tala o le tupe, faamautinoaina o le sologa lelei o le faafoega ma le faaogaina tatau o punaoa a le Pulega. E toasefulu (10) le aofai o le aufaigaluega o loo vaavaaia le:

- ✗ Tapenaina ma le tuufaatasia o faamaumauga tau tupe ina ia tusa ai ma tulaga faataatitia Faava-o-malo (IAS) ma Faatulagaga tuulata mai faava-o-malo mo le Lipotiina o Tupe (IFRS)
- ✗ Mataituina ma le lipotiina o teugatupe totogi, tupe maua, ma tupe faaalu,
- ✗ Tuufaatasiga ma le tuuina atu i le Matagaluega o Tupe (MOF) o fuafuaga o Tala o Tupe
- ✗ Siitia le faaauauina o le faagasologa ma le faia o totogi o le aufaigaluega
- ✗ Tuuina atu o fautuaga i tala o tupe ma mata'itu tupe faaalu a le Pulega
- ✗ Faafoeina o aseta a le Pulega e aofia ai fale, o taavale, o meafaigaluega, meafale ma masini komepiuta

O ia taumafaiga a le Vaega ua faamautuina ai le maua'a o faavae tau tupe o loo lagolagoina ai faaiuga fai anoa ma sini alualu mamao a le Pulega. O le auiliiliga atoa o galuega faatino o lenei tausaga faaletupe o loo aofia i le lipoti ua faapipiina atu, e saga faamanino ai le puleaina lelei o faagasologa tau tupe e pei ona faatautaia e le Pulega.

AOTELEGA O GALUEGA FAATINO MA TAUNUUGA TAU TUPE

Tupe faameaalofa mai le Malo

Tupe faameaalofa mai le Malo:	2024-2025	2023-2024	Siitaga	
	14,261,102.00	13,703,377.00	4%	557,725.00

O le aofai o Tupe faameaalofa mai le Malo faaletausaga i le Pulega e \$14.26 miliona ma ua siitia i le 4% p e tusa lea ma le \$557,725 tala pe a faatusatusa i le TF2023/2024 talu ai.

Tupe Maua/Tupe toe Faaolaina

TF 2020-2021	TF 2021-2022	TF 2022-2023	TF 2023-2024	TF 2024-2025
\$710,656	\$639,932	\$954,541	\$918,821	\$691,122

Aofai na aoina mai Galuega Faatino

Galuega Faatino	Vaegatupe Moni	Aofai Faatatauina	Eseesega
Tali atu i mu ma lipoti	35,324.00	15,000.00	20,324.00
Faataitaiga o le tuumuli ese ma Faataitaiga faafoliga	17,163.00	12,576.00	4,587.00
Fuafuaga o fale	156,102.00	125,160.00	30,942.00
Saofaga i le ACC	-	200,000.00	
Lafoga o Inisiua	172,077.00	120,000.00	52,077.00
Teugatupe faavaitaimi & Isi tupe maua	263,754.00	-	263,754.00

O le aofaiga o tupe toe faaolaina ma tupe maua a le Pulega mo le TF2024/2025 e \$691,122 tala, o se faaitiitiga e 25% ma e tusa ma le \$227,699 tala ua faaitiitia ai mai le TF2023/2024 talu ai. Na mafai e le Pulega e tauala atu i le Vaega o Poloaga mo Tupe Totogi ona mauaina mai i ana teugatupe faafaigaluega i lona tau aoga atoa e \$65, 00. E ui i lenei faaitiitiga tele, ua silia tupe maua a le Pulega pe a fua i sini tulimatai o lenei Tausaga Faaletupe. E le gata i lea, na faapea foi ona siitia lafoga mai Mu na mauaina e le Pulega pe a faatusatusa i le aofai na tulimatai, i lea lava taimi, na mafai e le Pulega ona aoina se aofaiga e \$418,000 tala mai i le Pulega o Tau i o Faalavelave Faafuasei i lenei Tausaga Faaletupe lea na fesoasoani i le faatupeina o taavale ave ma'i.

Tupe Faaalu

Vasega o Tupe Faaalu	Vaegatupe Moni	Aofai Faatatauina		2023-2024	
Tagata Faigaluega	9,043,815.00	10,681,068.00	-15%	7,670,852.00	18%
Fafoega ma Tausiga	3,031,574.00	2,633,452.00	15%	4,255,428.00	-29%
Tupe Faavae	1,208,227.00	-		930,756.00	30%
Galuega faatino e avea ai ma sui o le Malo	530,677.00	709,952.00	-25%	674,529.00	-21%
AOFAI	13,814,293.00	14,024,472.00	-1%		
Toese: Tupe faaolaina	691,122.00	472,736.00	46%		
Aofai	13,123,171.00	13,551,736.00			

Ua atagia i galuega faatino tau tupe mo le TF 24/25 se aafiaga lelei i luga o tupe faaalu e tusa ai ma tau aoga fuafuaina. Ae peitai, e i ai mea taitasi i luga o faamaumauga e le o aofia i le tala o tupe faaletausaga, e pei o Meatotino tumau ma isi. E tusa ai ma fuainumera ua lipotia, na mafai lava ona faafoe Tagata Faigaluega i totonu o le TF24/25 lea e 15% le paleni faaputuina e itiiti ai nai lo le aofai na faatatauina. Ae ui o lea, e 18% ua siitia ai pe a faatusatusa i le TF23/24 ua tuanai. E 25% ua tuutiitia ai galuega faatino e avea ai ma sui o le Malo mai i le aofai na faatatauina ma o se faaitiitiga e 21% pe a faatusatusa i le tausaga faaletupe ua tuanai TF23/24. Ae peitai, o tupe na faaalu i Tupe Faavae ma le Fafoega o loo atagia ai le maua luga o le tulaga manaomia nai lo o le aofai na fuafuaina lea ua silia ai tupe faaalu i le 100% ma le 15% i ia vaega. E tusa ai ma le tausaga ua mavae TF23/24, ua faamauina le siitia o Tupe Faavae i le 30%.


TALAAGA O LE AUFAIGALUEGA

AUFAIGALUEGA I VAEGA TAITASI		
VAEGA	2025	2024
<i>Pulega</i>	4	4
<i>Tali atu i Mu ma Faalavelave Tutupu Faafuasei</i>	165	137
<i>Saogalemu, Faalauiloa ma Puipuiga mai Mu</i>	29	29
<i>Auaunaga Lautele</i>	22	22
<i>Ofisa o le Komesina</i>	6	4
<i>Aofai o le Aufaigaluega</i>	226	196

AUFAIGALUEGA I NOFOAGA O GALULUE AI		
NOFOAGA / OFISA	2025	2024
<i>Ofisa Autu i Apia</i>	84	77
<i>Ofisa i Faleata</i>	75	66
<i>Ofisa i Aana</i>	22	12
<i>Ofisa i Maota</i>	29	26

<i>Ofisa i Asau</i>	<i>16</i>	<i>15</i>
<i>Aofai o le Aufaigaluega</i>	<i>226</i>	<i>196</i>


VAEVAEGA O LE AUFaIGALUEGA I ITUAIGA		
Ituaiga	2025	2024
Alii	166	143
Tamaitai	60	53
Aofai o le aufaigaluega i Ituaiga	226	196



AOAOGA MO LE SIITIA O LE MAFAIGAFATIA O LE AUFAIGALUEGA TF 24/25


POLOKALAME MA AOAOGA NA AUAI AI LE AUFAIGALUEGA	ATUNUU	LATOU NA SAUNIA	ASO
Puipuiga mai Gaoioiga ma Sauaga Mataga (PSEAH) i totonu o falefaigaluega	Samoa	APTC	08/07/2024
Inisinia Faafomai Faalavelave Faafuasei (EMT) Aoaoga Laasaga 1	Samoa	Kolisi Auaunaga Faafomai mo Faalavelave Faafuasei a Ausetalia	14/07/2024 - 19/07/2024
Aoaoga Toe Faamanatu (EMT)	Samoa	Puipuiga faale-malo Nevada	05/08/2024 - 09/08/2024
Aoaoga tau Siosiomaga ma Faalavelave Faafuasei	Fiti	Ofisa a le UN mo le Tuufaatasiga o mataupu tau fesoasoani mo tagata	24/11/2024 - 29/11/2024
Aoaoga Lavea'i (HART)	Samoa	SFESA	02/12/2024 - 13/12/2024
Aoaoga Toe faamanatu mo togafitiga o manuaga tūgā (EMT)	Samoa	Puipuiga faale-malo Nevada	17/02/2025 - 21/02/2025
Aoaoga tau Soifua Maloloina ma Faafuaga	Iapani	Ofisa Sooupu mo Fesoasoani Faava-o-malo a Iapani (JICA)	15/01/2025 - 01/02/2025
Aoaoga mo le Faaitiitia o Tulaga Lamatia mai Sunami e Taitaia e Tamaitai	Fiti	Faalapotopotoga mo Aoaoga ma Tau UN	03/04/2025 - 07/04/2025

Faailoga Tusipasi o le Aufaigaluega TF24/25



Ua atagia i le auiliiliga e na o le toatasi mai le aufaigaluega e le o faamauina sona faailoga tusipasi a o le toatele o le aufaigaluega ua i ai o latou tusipasi ma faailoga mai i aoga ma iunivesete eseese na aooga ai. E na o le toalua e i ai tusipasi o Matuaofaiva ma e atagia ai le mauualuga o le tulaga tau aoaoga ua ausia e le aufaigaluega o le Pulega o Tineimu ma Faalavelave Tutupu Faafuasei.

FAATULAGAGA O LE PULEGA



O le faatulagaga fou faamaonia leni a le Pulega o Tinei Mu ma Faalavelave Tutupu Faasuasei faatasi ai ma vaega fou o loo faailogaina i le lanu samasama. O le faatinoga o nei suiga o le a faasolo i laasaga, e faatatau lea i le mamafa o galuega, o le mafaigafatia o le aufaigaluega ma faiga faavae o loo i ai nei ma le i ai o le paketi e faataunuu atoatoa ai faatulagaga fou a le Pulega. O le suiga ua ave i ai le faamuamua o le faatuina lea o le Vaega Faafoma'i e tali atu i soo se Togafitiga, atoa ai ma le tofiga o le Komesina Lagolago lea o le a faasalalau i totonu o le tausaga faaletupe o loo i ai nei.

FUAFUAGA AUTASI LATA MAI

O le uluai tausaga lenei o le Fuafuaga Autasi (TF 2024/25-2026/27). O loo faapea ona otooto atu ai le aotelega o galuega a vaega taitasi. E taua le faamauina e faapea o le tele o nei galuega faatino ua faatulagaina ma e faaaauau pea i totonu o le vaitaimi o le Fuafuaga Autasi. O le mea lea, afai ua i ai se galuega faatino ua ausia na o se vaega i totonu o se tausaga, o le a faatatauina e faapea ua lē ausia atoatoa ana sini tulimatai i le faaiuga o le vaitaimi o le Fuafuaga, ma o le taunuuga o le a faatulagaina e tusa ai ma lea tulaga.

Sini Faataatitia	Aofai o galuega faatino	Galuega faatino o totoe	Fua faatatau o galuega ua maea	Otootoga Autu
Sini 1: Ina ia faamautinoa o loo lelei taiala faavae o le puleaina ma le faafoeina e le SFESA e ala i le mataituina o galuega tauave autu ma le tuuina atu o fautuaga lelei i le Minisita e ala atu i le Pule Faatonu.	32	32	0%	Ua tele ina ausia sini tulimatai faaletausaga, peitai o le 99% o galuega faatino faatulagaina o galuega faaaauau e manaomia ona faatino i tausaga taitasi ina ia mafai ai ona faailoa atoatoa lona tulaga faamaeaina. Mo se faataitaiga, tuuina atu lipoti faaletausaga i tausaga uma i le aso e faagata ai. E manaomia ona mataitu lelei nei vaega ina ia faamautinoa ai le faaaauau pea o le faagasologa o nei galuega faatino i totonu o le isi lua tausaga o le Fuafuaga Autasi.
Sini 2: Ina ia i ai le tomai ma ia lava tapena e tuuina atu auaunaga e aupito sili ona lelei e tali atu ai i faalavelave tau mu ma faalavelave tutupu faafuasei uma mo tagata o Samoa.	21	17	19%	Mai le 21 o galuega faatino na fuafuaina, e 17 o loo faaaauau pea, e atagia ai le 19% o le agai lelei i luma. O le tele o galuega faatino na ausia sini tulimatai faaletausaga, ae e le o faailogaina e faapea ua maea, aua e tatau ona faatino faaletausaga ina ia ausia le sini tulimatai aoao o le Fuafuaga Autasi. O lona uiga o le tele o galuega faatino na fuafuaina mo le TF 24/25 ua ausia, peitai o le tele o galuega faatino nei ua ausia, e manaomia ona faatino i totonu o le lua tausaga o lumanai o le Fuafuaga Autasi ona faailoga lea i se tulaga ausia aoao o le Fuafuaga Autasi.

Sini 3: Tuuina atu o auaunaga e aupito sili ona lelei o togafitiga muamua faafomai mo le mamalu o le atunuu.	7	5	29%	Mai le 7 o galuega faatino, e 5 o loo faaauau pea, e atagia ai le 29% o tulaga ausia. E i ai galuega faatino na ausia sini tulimatai faaletausaga, ae e le o faailogaina ua maea, aua e tataua ona faatino faaletausaga ina ia ausia le sini tulimatai aoao o le Fuafuaga Autasi.
Sini 4: Lelei faatino puipuiga mai Mu ma polokalame faalauiloa ma lelei faatino fesootaiga i taimi o faalavelave tutupu faafuasei e ala atu i le Ofisa tutotonu o le atunuu mo Valaau i Faalavelave Tutupu Faafuasei	44	42	5%	Mai le 44 o galuega faatino na fuafuaina i lalo o lenei sini, e 42 o loo faaauau pea, ua taunuu ai i le 5% o galuega o loo faagasolo. O le tele o galuega faatino ua ausia sini tulimatai faaletausaga, peitai o le a faaauau pea ona faatino vaega nei i isi tausaga faaletupe o loma nei, e manaomia ona faamaea uma i le faaiuga o le Fuafuaga Autasi.
Sini 5: Ina ia faaleleia le puleaina ma le faatinoina o Auaunaga Lautele e tau ala atu i le Vaega Punaoa Tau Tagata Faigaluega, Faiga Faavae ma Fuafuaga, tupe ma auaunaga tau faamatalaga faatekonolosi.	50	48	4%	Mai le 50 o galuega faatino na fuafuaina mo le Sini 5, 48 o loo faaauau pea, ua taunuu ai i le 4% o galuega o loo faagasolo. O le a faaauau pea ona faatino galuega i tausaga faaletupe o totoo, ina ia faamalieina ai sini tulimatai aoao o le Fuafuaga Autasi.
Aofai	154	144	6%	I lona aotelega, e 6% galuega faatino e le toe manaomia ai se isi faiga e fai ai poo ni punaoa e faaoga ai. Peitai o le tele o galuega faatino na faamauina o loo faaauau pea e faapea e manaomia ona mataituina lelei e faamautinoa ai le faamaeaina i le faaiuga o le Fuafuaga Autasi.

FUA FAATATAU O GALUEGA FAATINO UA FAATUPEINA MO LE PULEGA (SFESA)

Ua tuuina atu i lalo fua faatatau o galuega faatino ua faatupeina mo le tausaga faaletupe ma galuega ausia;

	Faamatalaga o Fua Faatatau	2024-25	GALUEGA AUSIA	
Fua Faatatau o Galuega Faatino/Faailoilo	Fua Faatatau (Tausaga Faavae)	Tulaga faataatitia poo sini tulimatai o le Tala o Tupe		
Fono Faale-Masina a le Aufaigaluega (E aofia ai le aufaigaluega uma ma le pulega ogatotonu)	10	12	6: Na o se vaega ua ausia	
Fono a le Pulega (tai lua vaiaso) Talanoaga ma faatalatalanoaga lata mai ma le Aufaigaluega	20	24	7: Na o se vaega ua ausia	
Fonotaga faale-Masina a le Komiti Faatonu a le SFESA e iloilo ai lipoti lata mai o galuega faatino taitasi	12	12	12: Ausia	
Fale mo Aoaoga tau Galuega Laveai – Faamaeaina o Tauofoga, Iloiloga ma le Fausiaina	1	-	E le i ausia	
Pasene auai i soo se tapenaga i polokalame ma fonotaga tau le Malo	100%	100%		100%
Faamaopopoga o Iloiloga o Tauofoga mo Poloketi a le SFESA	6	4	3: Na o se vaega ua ausia	
Faatautaia Asiasiga mo Poloketi ua faamaonia	15	10	Ausia	
Pasene o le aufaigaluega na auai i faatalatalanoaga i fuafuaga faataatitia ma faiga faavae ma aoaoga na mafai ona faamaeaina i nei faiga faavae ma fuafuaga faataatitia. (FOU)	80%	80%	Na o se vaega ua ausia	
Aofai o faiga faavae, lipoti ma pepa aloaia o fuafuaga faataatitia na saunia, iloiloiloina ma mafai ona faatinoina e taasisia ai tulaga faataatitia o le puleaina (FOU)	13	13	9: Na o se vaega ua ausia	
Faafaigaluegaina o Ofisa Sinia Va-Fealoai/Tagata Ofisa Faasalalau/ Ofisa Sinia OSH/ Ofisa Sinia o Fesootaiga ma le Pule Faafoe o Faamatalaga Tekonolosi e faamalositia atili ai le Pulega	0	0	1	

Tulaga manaomia mo Paaga Totino i fafo atu.			
---	--	--	--

Mo Galuega Faatino 1, e sefulu (10) le aofai atoa o galuega, ma e na o le tolu (3) ua ausia, e tasi (1) e le i ausia ma le ono (6) ua ausia na o se vaega, sa faamaeaina galuega na totoe, peitai e le i ausia atoatoa sini tulimatai. I lona aotelega, o le faaleleia o le mataituina mo galuega faatino (1), o le a fesoasoani ai e faamautinoa le ausia atoatoa o nei sini tulimatai i le faaiuga o le tausaga faaletupe.

Galuega Faatino 2:

	Faamatalaga o Fua Faatatau	2024-25	Galuega Ausia
Fua Faatatau o Galuega Faatino/Faailoilo	Fua Faatatau (Tausaga Faavae)	Tupe faaaga fuafuaina	
Aofai o tali atu mo faalavelave tutupu faafuasei uma tau mu i totonu o le tausaga faaletupe 25/26 (Fale, Lapis, Vaomatua, Vao, Taavale Afi, Vaa, Eletise, Vailaau, LPG & Vaalele)	300	398	367: Na o se vaega ua ausia
Aofai o galuega laveai i totonu o le tausaga faaletupe 25/26 (MVA, Laveai i luga o elele, Laveai mai le sami, Laveai i nofoaga vaiti, USAR ma Laveaina o meaola)	100	155	431: Ausia
Aofai o auunaga tau taavale ave ma'i (EMR) i totonu o le tausaga faaletupe 25/26.	4000	4499	5912: Ausia
Aofai o galuega laveai i faalavelave tutupu faafuasei o loo aafia ai vailaau oona (HAZMAT) i totonu o le tausaga faaletupe 25/26.	4	2	2: Ausia
Aofai o aoaga na faatino i totonu o le Pulega i le tausaga faaletupe 25/26 (Galuega Fai Sifi, Aoaga toe Faamanatu, Aoaga tau Mu, Auunaga tau Taavale Ave Ma'i, Faafaigaluegaina, Auunaga Ofo Fua e Tali atu i Faalavelave Faafuasei (VERT), Fesoasoani Muamua, Aoaga i Atunuu i Fafo, Toleniga, RFL, Aoaga Tuufaatasi, Suega Ave Taavale, Paaga	300	349	Ausia

totino/Faiga Paaga)			
Aofai o auaunaga faa-inisia ma galuega toe faaleleia i totonu o le tausaga faaletupe 25/26	400	451	458: Ausia
Faafaigaluegaina o Alii ma Tamaitai Tinei Mu ma le Auaunaga Faapitoa e faamalosia le tali atu i faalavelave tutupu faafuasei.	40	20	40: Ausia

Galuega Faatino 2, sa mafai ona ausia galuega e ono (6) ona o le lelei faatino o fua faatatau o le tala o tupe, vagana ai le tasi (1) ua na o se vaega ua ausia. E faasino lea i le aofai o faalavelave e lē oo i ai le malosiaga o le Pulega.

Galuega Faatino 3:

Fua Faatatau o Galuega Faatino/Faailoilo	Fua Faatatau (Tausaga Faavae)	Tupe faaoga fuafuaina	Faamatalaga
Aofai o polokalame faalauiloa tau saogalemu ma puipuiga mai mu i totonu o aoga ma nuu	100	120	144: Ausia
Polokalame tau aoaoga mo tagata e tali atu i faalavelave tau mu, e siitia ai le iloa i totonu o fale faigaluega	20	25	40: Ausia
Faataitaiga o le faaaogaina o fagu tinei mu mo fale faigaluega gaosi oloa uma, Matagaluega a le Malo faapea nuu ma alalafaga	20	25	40: Ausia
Faataitaiga mo le Tuumuli ese ma Faataitaiga faafoliga	12	15	15: Ausia
Tusia ma lomina pepa faalauiloa	12	16	16: Ausia
Faaaogaina o Upegatafailagi	20	24	24: Ausia
Faataunuaina polokalame o le CDCRM	2	2	25: Ausia

Tuufaatasia o lala sooupu fesoasoani autu i taimi o faataitaiga faafoliga	12	12	12: Ausia
Tupe maua aoina mai i Polokalame Faalauiloa	\$12,578.00	\$12,578.00	\$17,648.86: Ausia
Aofai o asiasiga o fale fou	120	180	196: Ausia
Aofai o asiasiga tuliloa	120	180	Ausia
Tuaina atu faasilasilaga mo fale uma e le o tausisia alafua o le fausiaina o fale	1	1	Ausia
Auai i fonotaga a Komiti Faatonu uma ma asiasiga.	6	6	Ausia

Aofai o faataitaiga o Pamu vai ma Paipa Tinei mu	12	15	Ausia
Aofai o pemitā tau fale na faamatuū atu	60	70	Ausia
Aofai o Pemitā tuuina atu mo galuega vevela (Hotworks)	20	25	Ausia
Asiasiga o fale e teuina ai oloa matautia/vailaau oona	20	24	33: Ausia
Faatinoina suesuega o mu mo soo se fale sa afaina i se mu	12	24	Ausia
Tupe maua o loo fuafua e maua mai i pemitā o fale	\$100,000.00	\$125,160.00	\$177,235.87: Ausia
1% Lafoga Inisiua	\$100,000.00	\$100,000.00	\$214,917.79: Ausia
Faamaea aoaoga tau saogalemu ma faalavelave faafuasei mo le auafaigaluega o le Vaega o Saogalemu ma Faalauiloa	2	4	Ausia
12 auunaga faaleleia mo Fesootaiga tau Leitio mo	12	12	Ausia

Faalavelave Tutupu Faafuasei (ERN)			
Faamaeaina aoaoga toe faamanatu mo le aufaigaluega o le Ofisa Tutotonu mo Valaau i Faalavelave Tutupu Faafuasei	4	4	0: E le i ausia
Tali atu i valaau mo faalavelave tutupu faafuasei	6000	6000	6311: Ausia
Meafaigaluega Faapitoa mo Fesootaiga laasaga lua Masini faapitoa mo Fesootaiga, Faasoa Eletise ma Maa Faaleoleo	1	1	Ausia

I lona aotelega, e 25 le aofai o Galuega Faatino a le Vaega o Saogalemu ma Puipuiga mai Mu, 24 na mafai ona ausia ma o le tele o nei fuafuaga na sili atu faatinoga i sini faataatia faaletausaga. Na o le tasi sa le mafai ona ausia. O se faatinoga maoae i galuega faatino 3.

POLOKETI TETELE

Galuega faaleleia o le Ofisa Inisinia: o le poloketi lenei e faasino i le faaleleia o auauunaga ma siitia le soifua manuia o le aufaigaluega. E aofia ai le fausiaina o se potu faapitoa faaopoopo e teuina ai meatotino tau taavale e faaoga i faalavelave faafausei ma taavale tinei mu, ina ia mautinoa e mafai ona maua vaega nei i taimi faigata. O le a mafai foi ona maua ai se apitaga malu mo le aufaigaluega o loo faia galuega faaleleia, ina ia faatino galuega ma le saogalemu. I le faagaoioiga o lenei poloketi, ole a ave ai le faamuamua ale SFESA i le saogalemu ma le soifua maloloina o tagata faigaluega, faapea le faamalositia lea o tulaga o auauunaga gafataulimaina. O le faaleleia o le ofisa inisinia o le a i ai lona sao taua i le lagolagoina o le manulauti a le Pulega e faatumauiina ai le tulaga maua luga e tali atu ai i faalavelave tutupu faafuasei.

Nofoga e fafaga ai taavale ola i le eletise i le Ofisa i Faleata: mo taavale e ola i le eletise a le Malo. O lenei tulaga ua mauaina ai e le Pulega le fesoasoani lea i le taimi na api ai le fonotaga o le CHOGM i le ofisa i Faleata. I le faagaoioiga o lenei poloketi, e le gata e ave ai le faamuamua a le SFESA i le saogalemu ma le soifua maloloina o tagata faigaluega, faapea le faamalositia lea o tulaga o auauunaga gafataulimaina. O lenei nofoaga fou e fafaga ai taavale o le a i ai lona sao taua e lagolagoina ai le manulauti a le Pulega i le faatumauiina ai o tulaga aupito sili ona maua luga e tali atu ai i faalavelave tutupu faafuasei.

Faaleleia o le Eletise ma le toe uaeaina: faatinoina mo le Ofisa Tinei Mu i Maota ma Asau. O lenei poloketi sa tatau ona faaleleia atili ai sooga o uaea eletise atoa ai ma le faafouina o pusa faasoa eletise mo le lelei faatinoina o galuega o nei ofisa. Na amata faatino lenei poloketi ia Tesema 2024 ma sa faamaeaina i le amataga o Ianuari 2025 i le tau atoa \$49,400.55.

Toe faaleleia o le fale: sa faatinoina mo le ofisa tinei mu i Aana. O loo faagasolo isi poloketi ae ua maea le laasaga 1 mo se Faufautua Faainisia ma sa faamautuina ai i lena kuata.

Faatauina o Aseta eseese e manaomia: e aofia ai fale ma masini, meafaigaluega, meafale, komepiuta ma polokalame tau komepiuta e taua mo le ofisa ma galuega i tua.

Meatotino tetele: e aofia ai kapeneta e tolu (3) mo le ofisa o le Failautusi, sa faatauina se mea pueata ma se komepiuta feaveai mo le avanoa fou – Ofisa Sinia tau Va-Fealoai. Lua ea malulu mo le Ofisa i Aana. Lua Laupapa Faailoilo na faatauina i lalo o le Vaega Saogalemu mai Mu mo Savaii ma Vaitele. E faapea ma komepiuta feaveai e 2, seti komepiuta e 3 mo le Vaega o Saogalemu, ma le 2 komepiuta mo le Vaega o Tupe ma le Komepiuta e tasi mo le AC1.

I lona aotelega, o poloketi uma na manaomia e siitia ai le faagasologa aoao o galuega ma faaleleia le siosiomaga tau soifua maloloina ma le saogalemu o le aufaigaluega. A o meatotino tetele sa manaomia e faaaogaina mo avanoa fou ua faaopoopo ma suia ai meafaigaluega tuai ua lē toe aoga.

TULAGA LAMATIA MA LĒ MAUTONU MO LE LUMANAI

E ui lava ua tele le alualu i luma o le faagasologa o galuega a le Pulega o le Tinei Mu mo le tausaga muamua o le Fuafuaga Autasi, o loo tumau pea nisi o tulaga lamatia ma lē mautonu e ono aafia ai le ausia o galuega ma sini autu faataatitia o tausaga i luma.

1. Faafaigaluegaina ma le mafaigafatia: O loo faateleina lava manaoga i auaunaga, e atagia i le tele o faalavelave tutupu faafuasei o loo tali atu ai, faatasi ai ma le fuafuaina o le faatuina o ofisa fou i nuu i tua e faailoa mai ai le manaomia o nisi tagata faigaluega faaopoopo e faatumau ai le lelei faatino o galuega i taimi talafeagai.
2. Punaoa, Mea faigaluega ma Atinae Eseese: O le tuai o taavale ma meafaigaluega ua aliae mai ai ni aafia i le faatinoga lelei o galuega pe a leai se tupe faatatauina mo le toe faafouina, o le vaapiapi ma le tuai o le ofisa ua taofiofia ai le faatuina o ni avanoa fou e lagolago ai le faalateleina o le auaunaga. O le manaomia ai o se ofisa fou e pei ona lāgā i tausaga faaletupe ua tuanai, ae peitai e leai lava se suiga e oo mai i le asō.
3. Suiga o Laasaga o le Faatulagaga o le Faalapotopotoga: E tata i le Pulega ona faataatia ma faatino ni suiga se tele i se tulaga e mafai ai ona faafoe gafataulimaina, e faamautinoa ai o le faatulagaga fou ua faatuina i se tulaga lelei ma mafai ai ona faataunuuina galuega fuafuaina o le Fuafuaga Autasi.
4. Galulue Felagolagomai ma isi lala sooupu: O le lelei atoa o le tali atu i faalavelave tutupu faafuasei ma polokalame a nuu e faamoemoe i le galulue soosootauau ma isi lala sooupu, ma le mauaina o fesoasoani faapaaga ma meafaigaluega. O nisi lape i le galulue faatasi ma le faatuai o le tuuina mai o fesoasoani e ono faaletonu ai le faatinoga o galuega.
5. Galuega Faatino Faaauau: O le tele o galuega e faatino i le tele tausaga ma faaauau pea lona faatinoga, ma ua aafia ai le faamaeaina o sini faataatitia aoao. E mafai e le Pulega ona tali atu e ala i le faamuamua o galuega e aupito sili ona taua, mataituina lelei ole faagasologa o galuega, faapea ai ma le faasoasoina o punaoa e faamaea ai galuega i tausaga o mulimuli mai.

FUAFUAGA MO LE LUMANAI

O le tala faaletupe muamua lenei mo le Fuafuaga Autasi fou TF24/25-26/27. Faasologa mai o galuega faatino o le TF2024/25, o loo faamoemoe le Pulega e faamalosia le tuuina atu o auaunaga, faalatele le mafaigafatia ma faaauau le faatinoina o laasaga o le faatulagaga o le Fuafuaga Autasi. Vaega autu faamuamua ma vaega taulai mo le isi tausaga faaletupe e aafia ai:

1. Faaleleia atili o le mafaigafatia ona tali atu i Faalavelave Tutupu Faafuasei
 - ✗ Faalateleina o auaunaga i nuu i tua e ala i le faatuina o fale Tinei mu fou
 - ✗ Faafaigaluegaina ma le faamatuu atu o aufaigaluega faaopoopo e faamalieina ai le faatupulaia o manaoga mo auaunaga i taimi o faalavelave tutupu faafuasei
 - ✗ Faaauau aoaoga ma polokalame e atiae ai le mafaigafatia o le aufaigaluega e mautinoa ai le lava tapena mo le faatinoina o galuega.
2. Faatinoga o Suiga i totonu o le Faatulagaga fou
 - ✗ Faagasolo le faatinoina o le Faatulagaga fou a le SFESA e pei ona faamaonia
 - ✗ Faamalosia le faamaopoopoga o vaega ina ia faaleleia ai le tuuina atu o galuega faatino o le Fuafuaga Autasi.
3. Atinae o Punaoa ma Atinae Eseese

- ✗ Faafou taavale, meafaigaluega, ma meafaigaluega tau fesoootaiga tuai, e tusa ai ma tupe ua faatatauina faatasi ai ma le lagolago mai paaga.
 - ✗ Tali atu i le lē lava o avanoa o le ofisa ina ia mafai ai ona lava avanoa mo le auaunaga fou ma le faalauteleina o auaunaga.
4. Vaega o Saogalemu, Puipuiga mai Mu ma Sootaga ma Tagata Lautele
- ✗ Faalautele polokalame faalauiloa ma asiasiga o le saogalemu mai mu, e faapitoa lava i aoga, falefaigaluega ma nuu i tua.
 - ✗ Faaauau ona faamalosia le Vaega o Fesoootaiga ma le NECC e faaleleia ai le maopoopoga ma taimi e tali atu ai i faalavelave tutupu faafuasei.
5. Mata'itu ma Iloiloga o Galuega
- ✗ Faaleleia atili auaunaga tau lipoti e tulimataia ai le faatinoga o galuega faaauau o le tausaga.
 - ✗ Faamuamua galuega faatino taua ina ia mautinoa lona faamaeaina i taimi talafeagai ma ogatasi ma sini autu uma o le Fuafuaga Autasi.
 - ✗ Faaleleia le mataituina ma fuafuaga mo le Pulega.
6. Galulue faatasi ma Paaga Fesoasoani
- ✗ Faaleleia le galulue faatasi ma paaga totino autu ma faaleleia le faasoaina o punaoa.
 - ✗ Galulue soosootauau ma paaga mai fafo e faamautinoa ai le maua o fesoasoani, meafaigaluega ma fesoasoani tau tomai faapitoa mo le faatumauina o le faatinoina o auaunaga.
 - ✗ Mataalia i le sailia o le amanaia ma le aofia ai o isi vaega maoti, e faavae i luga o taunuuga o le Aso Faapitoa Faavaomalo o Tinei Mu (IFFD) e faamautinoa ai le tuufaatasia ma le maopoopoga o auaunaga mo faalavelave tutupu faafuasei ma fuafuaga tau saogalemu mo le atunuu.

O lenei Tausaga Faaletupe 2025/26 o le a taumafai e tuufaatasia tulaga ausia mo le tausaga muamua, e ala lea i le faailoaina o tulaga lamatia ma tulaga faaletonu o punaoa e faamautinoa ai ua faaaupagaina atoatoa le Pulega e faatino ana tautinoga e tusa ma le Fuafuaga Autasi. O le a faaauau pea ona tuuina atu auaunaga i lalo o fuafuaga faataatitia, faamalosia faalapotopotoga ma le saogalemu o le atunuu.

PULEGA O TINEI MU MA FAALAVELAVE TUTUPU
FAAFUASEI

FAAMATALAGA TAU TUPE MO LE TAUSAGA E
FAAMAEAINA

30 IUNI 2025

LIPOTI FAALETAUSAGA

**Pulega o Tinei Mu ma Faalavelave Tutupu Faafuase'i
Mo le tausaga faaiuina 30 Iuni 2025**

Faasino Tusi

- 3 Faamaoniaina o le Faamatalaga Tau Tupe
- 4 Faamatalaga o Tupe Maua ma Tupe Totogi
- 5 Faamatalaga o Tupe Faavae, Aseta ma Noataga
- 6 Faamatalaga mo le Faagaoioiga o Tupe
- 7 Faamatalaga o Tulaga Tau Tupe
- 8 Faamatalaga o loo Fausia ai se Vaega Taua o le Faamatalaga o Tupe

Faamaoniga o le Faamatalaga Tau Tupe

Pulega o le Tinei Mu ma Faalavelave Tutupu Faafuasei Mo le tausaga faaletupe e faaiuina 30 Iuni 2025

Ua matou faamaonia e faapea o le faamatalaga tau tupe ua faapipii atu mo le Pulega o Tineimu ma Faalavelave Faafuase'i mo le tausaga ua faaiuina 30 Iuni 2025, ua aofia ai faamatalaga o tupe faavae, o aseta ma noataga, faamatalaga atoa o tupe maua, faamatalaga mo le faagaoioiga o tupe, faamatalaga o tulaga tau tupe, ma faamatalaga o loo tuuina atu ai nisi vaega o le faamatalaga tau tupe:

- O loo tuuina atu ai se vaaiga moni ma talafeagai e uiga i mataupu e faatatau i ai; ma
- Ua tapenaina e tusa ai ma Tulaga Faataatitia Faavaomalo i le tulaga o Lipoti Faaletupe; ma
- O loo tausisia le Tulafono o le Puleaina o Tupe a le Malo 2001 e tusa ai ma le faatulagaina ma le faaupuga o faamatalaga o tupe ua faia i lalo o le Tulafono o Pulega a le Malo (Gaoioiga ma le Tali atu) ma Tulafono o Auaunaga o Tineimu ma Faalavelave Tutupu Faafuasei 2007.

Ua matou le iloina lava ni tulaga o le a ono faapea mai ai ni faamatalaga o loo aofia i totonu o le faamatalaga tau tupe e faapea e taufaasese pe le sa'o.

Ua matoa tuuina atu le faatagana o nei tala o le tupe ua faapipii atu e tuuina atu e fai ma sui o faatonu o le Komiti Faafoe a le Pulega o Tineimu ma Faalavelave Tutupu Faafuase'i i Samoa.

Faatonu

Pulega o Tinei Mu ma Faalavelave Tutupu Faafuase'i i Samoa

Aso _____

Faatonu

Aso _____

**Faamatalaga o Tupe Maua ma Tupe Totogi
Pulega o le Tinei mu ma Faalavelave Faafuasei
Mo le tausaga faaletupe e faaiuina 30 Iuni 2025**

	Faamatalaga	2025	Aotelega o Tupe Faatautauina 2025	Eseesega	2024
Tupe Maua					
Tupe faameaalofa mai i le Malo o Samoa	3	14,261,102	14,261,102	0 ↓	13,703,377
Lafoga o Inisiua o Mu		172,077	120,000	(52,077) ↓	183,390
Tupe maua o Auaunaga	4	383,489	152,736	(230,753) ↓	302,618
Lafoga mai i le ACC		200,000	200,004	4 ↑	200,000
Faaitiitia o Tupe Maua Tauave	15	402,434	198,384	(204,050) ↓	213,573
Tufatufaga tau tupe mai tupe teu faavaitaimi		65,000	-	(65,000) ↓	177,614
Tupe maua mai i tului		25,426	-	(25,426) ↓	54,984
Aofai o Tupe maua		15,509,529	14,932,226	(577,303)	14,835,555
Tupe Faaalu					
Galuega Faatino	5	1,057,158	1,219,416	162,258 ↑	630,678
Tupe faaalu i gaoioiga a le Pulega	6	2,505,093	2,123,988	(381,105) ↓	3,732,680
Totogi o tagata faigaluega	7	8,949,315	10,586,568	1,637,253 ↑	7,467,548
Alauni mo le Komiti Faatonu	16	94,500	94,500	0 ↓	93,116
Faaitiitia o aseta tumau	12	950,886	-	(950,886) ↓	736,017
Aofai o Tupe Faaalu		13,556,952	14,024,472	467,520	12,660,039
Tupe Faasili		1,952,577	907,754	(1,044,823)	2,175,516

Faamatalaga o Tulaga tau Tupe

Pulega o le Tinei Mu ma Faalavelave Faafuasei a Samoa Mo le tausaga faaaletupe e faaiuina 30 Iuni 2025

	Faamatalaga	30 Iuni 2025	30 Iuni 2024
Aseta			
Aseta o le taimi nei			
Tinoitupe ma faatusatusaga o tupe	8	4,086,283	2,249,484
Faamatalaga o tupe maua		58,060	13,883
Aitalafu tau fefaatauaiga ma isi aitalafu toe totogi mai	11	1,256,144	1,650,468
Tupe faaaoga ua vave ona totogi		-	64,993
Tupe teu faaagaga faavaitaimi	9	1,239,885	2,218,848
Tupe Faafaigaluega mo Tupe Faavae mai Tupe maua	10	5,771,066	5,257,585
Lafoga mai oloa faatau atu		1,574,302	1,114,583
Aofai o aseta o le taimi nei		13,985,740	12,569,843
Aseta e tuai ona faaliliu i tupe			
Meatotino, masini ma meafaigaluega	12	6,415,611	5,284,404
Aofai o aseta		20,401,351	17,854,247
Aitalafu			
Aitalafu o loo i ai i le taimi nei			
Aitalafu totogiina atu		131,325	108,666
Aitalafu tau fefaatauaiga ma isi aitalafu toe totogi atu	13	38,819	101,632
Tupe Faaagaga mo isi gaoioiga i le lumanai	14	1,685,482	1,904,081
Faamanuiaga ma alauni mo tagata faigaluega		483,659	324,046
Aofai o Aitalafu o loo i ai i le taimi nei		2,339,284	2,438,425
Aitalafu e tuai ona faaliliu i tupe			
Tupe tauave mo meatotino tumau	15	2,632,384	1,821,309
Aofai o aitalafu e tuai ona totogi mai		2,632,384	1,821,309
Aofai o aitalafu		4,971,669	4,259,733
Aseta totoe		15,429,683	13,594,513
Aofai o Tupe Faavae mai Tupe Maua			
Tupe Faavae		1,149,523	1,149,523
Tupe Faaputupu		13,380,676	11,545,506
Saofaga Tau Tupe a le Malo		899,484	899,484
Aofai atoa o Tupe Faavae mai Tupe Maua		15,429,683	13,594,513

Faamatalaga mo le Faagaoioiga o Tupe Faavae mai Tupe Maua
Pulega o Tinei Mu ma Faalavelave Tutupu Faafuasei
Mo le tausaga faaletupe e faaiuina 30 Iuni 2025

	2025	2024
Tupe Faavae mai Tupe Maua		
Paleni amata	13,594,513	11,413,845
Faaopoopoga		
Tupe mama mo le piriota	1,952,577	2,175,516
Tupe mama ua tausisia	(117,407)	5,152
Aofai o tupe faaopoopo	1,835,169	2,180,668
Aofai o Tupe Faavae mai Tupe Maua	15,429,683	13,594,513

Faamatalaga Tau Tupe Fesoloai
Pulega o Tinei Mu ma Faalavelave Tutupu Faafuasei
Mo le tausaga faaletupe e faaiuina 30 Iuni 2025

	2025	2024
Galuega Faatino Tau Faafoega		
Tinoitupe mai tagata o loo faaaogaina le auaunaga	14,818,912	14,694,529
Tinoitupe totogi atu i tagata o tuuina ma le auaunaga ma tagata faigaluega	(12,700,53)	(11,352,604)
Tupe Maua Faaalu Fesoloai mai galuega faatino tau faafoega	2,118,377	3,341,924
Galuega Faatino o Tupe Teu Faafaigaluega		
Tupe maua mai Tupe Teu Faafaigaluega	1,100,083	93,982
Tupe totogi mo meatotino, masini ma mea faigaluega	(873,376)	(1,325,974)
Tupe totogi mo tupe teu faafaigaluega	(508,285)	(1,623,443)
O isi mea taitasi sa faatauina ma gaoioiga e teu faafaigaluega ai tupe	-	(7,573)
Tupe Maua Faaalu mai galuega faatino e teu faafaigaluega ai tupe	(281,578)	(2,863,009)
Tupe Maua Fesoloai	1,836,799	478,916
Tinoitupe ma Faatusatusaga o Aofai o Tinoitupe		
Tinoitupe ma Faatusatusaga o Aofai o Tinoitupe i le amataga o le tausaga faaletupe	2,249,484	1,770,568
Suiga i tupe maua i tinoitupe mo le tausaga faaletupe	1,836,799	478,916
Tinoitupe ma Faatusatusaga o aofai o Tinoitupe i le faaiuga o le tausaga faaletupe	4,086,283	2,249,484

Faamatalaga o loo Fausia ai se Vaega Taua o le Faamatalaga o Tupe

Pulega o le Tinei Mu ma Faalavelave Tutupu Faafuasei i Samoa.
Mo le Tausaga Faaiuina 30 Iuni 2025

FAAMATALAGA O LOO FAUSIA AI SE VAEGA TAU A O LE FAAMATALAGA O TUPE

2. Ootootoga o faiga faavae taua faa-tausitusi

Ua faatulagaina atu i lalo se ootootoga ma faiga faavae taua faa-tausitusi ua faaogaina e le Pulega i lana tapenaga mo faamatalaga tau tupe.

a) Faamatalaga o le Tausisia

O faamatalaga tau tupe ua tapenaina e tusa ai ma tulaga faataatitia o le lipotiina o faamatalaga tau tupe faava-o-malo, o loo tuuina mai e le Komiti Faafae o Tulaga Faataatitia faa-suetusi faava-o-malo (IASB)

b) Faavae e saunia ai

Ua saunia faamatalaga o tala o tupe e faia i luga o talaaga tupe totogi vagana ai fale ua toe faatulaga ona tau.

c) Galueaina ma le tauaaina o tupe mai atunuu i fafo

O faamatalaga o tala o tupe tuuina atu i tala Samoa (SAT\$), lea o loo avea ma tupe o gaoioiga a le Pulega ma tau aoga uma tuuina atu i talā Samoa o loo ua faapea ona faatauina le talā.

d) Aiaiga mo aitalafu leaga ma aitalafu faaletonu

Ua iloiloaina o le mafai ona aoina o aitalafu tau fefaatauaiga ma isi aitalafu toe totogiina mai i luga o se faiga e faaauau pea. Ua faatuina se aiaiga se aitalafu faaletonu e faavae i luga o se iloilo lautele i luga o aofaiga e le i totogiina mai i ni faaiuga o le vaitaimi ua lipotia. O aitalafu leaga ua faamagalo e faasaga i le tuuina atu ile aiaia ai o aitalafu faaletonu i totonu o le vaitaimi ua faailoa mai ai e le toe maua ia tupe.

e) Tupe Faa-Meaaolofa, Tupe Fesoasoani, Foaia ma Tupe Faavae

1. O meataitasi uma ua faamoemoe e lagolago ma le faatupeina o galuega fai a le Pulega ma ua taulimaina i tinoitupe o loo faamauiina i faamatalaga atoa o tupe maua
2. O meataitasi uma ua taliaina e ala i aseta e mafai ona faaitiitia tau ona ua avea o tupe maua ile tausaga na taliaina ai.
3. O meataitasi uma na talia mai e ala i tulaga e manuia ai aseta e mafai ona faaitiitia tau mai le malo o Samoa o loo ua faaogaina i se tulaga e manuia ai.

f) Meatotino, masini, ma meafaigaluega

O meatotino, masini ma meafaigaluega ua faaitiitia tau i fua faatatau ua fuafuaina e soloia ai aseta i o latou taimi e aoga ai. Ua faaogaina le auuala o le faaitiitiga o paleni ini faiga tutusa o ituaiga o meatotino autu, masini ma meafaigaluega e faaitiitia le tau o aseta tumau uma a le Pulega.

Fale	2%
Meafale ma Totoga	20%
Masini ma Meafaigaluega	20%
Taavale Afi	20%
Masini ma Polokalame Faakomepiuta	20%
Faailoilo mo Faasalalauga Faalauiloa	20%

g) *Tinoitupe ma faatusatusaga o aofai o tinoitupe*

O tinoitupe ma faatusatusaga o aofaiga o tinoitupe ile faamatalaga i tulaga tau tupe o loo aofia ai tinoitupe laiti ma tinoitupe i faletupe.

h) *Lafoga o Tupe Maua*

Talu ai o le Pulega o se pulega a le Malo o le ala lea ua tuusaunoa ai mai lafoga o tupe maua i lalo o le fuaiupu 7(1) o le Tulafono o Tupe Maua 2012.

i) *Lafoga i luga o oloa ma auaunaga (VAGST)*

O aofaiga uma ua faaalua ai le tulaga o leai o se VAGST seia vagana ai aitalafu tau fefaatauaiga toe totogi mai ma aitalafu tau fefaatauaiga toe totogiina atu i seisi faiga e ese ai ua taua.

j) *Fuaina o teugatupe teu faavaitaimi (UTOS)*

O teugatupe faavaitaimi e ala i iunite faatauina mai ua suia nei lona auala e lipotia ai totonu o tala o tupe e tusa ma aiaiga o tulafono faatausitusi faava-o-malo. O lea suiga ua faaaogaina ai le tau talafeagai o loo ua iai i le maketi o fefaatauaiga o tupe i le taimi e lipotia ma faaliliuina ai le paleni o iunite ma tupe teu faavaitaimi. O le eseesega o lea paleni ma le paleni na faamauiina ai ile taimi na faatauina mai ai iunite, o le a lipotia i lalo o tupe faasili poo tupe gau. O le tau talafeagai o le tau lea ole a mauaina pe a faatau se aseta i se fefaatauaiga e masani ai ile va o le tagata faatau i le aso na fuafuaina ai o lona uiga o le tau talafeagai o le tau lea na faatau mai ai ae toesea ai le totogifuapauina pe a ua tala uma i tua le teugatupe.

k) *Aitalafu tau fefaatauaiga ma isi aitalafu toe totogi mai*

O aitalafu tau fefaatauaiga ma isi aitalafu toe totogi mai ua faamauiina o ni tau aoga fuafuaina i le maea ai ona aiaia o aitalafu leaga ma aitalafu faaletonu. I le faaiuga o vaitaimi ua lipotia taitasi mai, o le aofaiga tauave o teugatupe ma isi tupe toe totogi mai ua iloiloina e fuafua ai pe i ai nisi faamaoniga maumaututū e faapea o nei aofaiga e le mafai ona toe maua mai.

l) *Aitalafu tau fefaatauaiga ma isi aitalafu toe totogiina atu*

O aitalafu tau fefaatauaiga ma isi aitalafu toe totogiina atu, e faailoa mai ai aitalafu mo oloa ma auaunaga sa tuuina atu e le Pulega ae le i faaiuina le tausaga faaletupe pe afai e le i totogiina ma e tatau i le Pulega ona totogiina tupe i le lumanai ona o le faatauina o nei oloa ma auaunaga.

m) *Faamanuiaga mo tagata faigaluega.*

- ***Totogi ma totogi aso, aso malolo faaletausaga ma aso malolo mo le aufaigaluega ua ausia le 10 tausaga o le auaunaga ma isi faamanuiaga***

O aitalafu mo le agavaa ai o le aufaigaluega i totogi ma totogi aso, aso malolo faaletausaga, aso malolo mo auaunaga umi ma isi faamanuiaga e agavaa i ai i le taimi nei (ma ua fuafua e totogiina atu i totonu o le sefululua masina) ma o loo faatupulaia i se aofaiga ua faigata ona faaitiitia, ma ua fuafuaina se aofaiga ua faamoemoe e totogiina atu i totonu o le aso ua fuafuaina e tuuina atu ai le lipoti. O aitalafu mo isi faamanuiaga e agavaa i ai tagata faigaluega, ua le fuafuaina e totogi atu pe tatau ona faamaea i totonu o le sefululua masina ua lipotia, ma ua faatupulaia mo tagata faigaluega uma i le tau aogā o loo i ai nei i le aofaiga fuafuaina e totogiina atu i le lumanai.

- ***Saofaga mo faamanuiaga pe a litaea***

E fai saofaga le Pulega i le faaputugatupe mo le lumanai manuia o tagatanuu o Samoa, o se fuafuaga o saofaga ua auiliili lelei e tusa ai ma tulafono faalotoifale ma e leai se tulaga e noatia ai i tua atu o le totogiina o saofaga. O noataga mo saofaga i le Fuafuaga o Saofaga ua auiliili lelei ua faapea ona amanaia i lea lava taimi i totonu o faamatalaga auiliili o tupe maua.

	2025	2024
3. Tupe Faameaalofa mai le Malo		
Tupe Faameaalofa	14,261,102	13,703,377
Aofai o Tupe Faameaalofa mai le Malo	14,261,102	13,703,377

Sa taulimaina e le Pulega le tupe faameaalofa e \$14.26 miliona .mai le Matagaluega o Tupe mo le Tausaga Faaletupe e faaiuina i le aso 30 Iuni 2025

	2025	2024
4. Tupe Maua mai Auaunaga		
Ata/Pemita o Fale	156,102	78,444
Faailo sese	35,147	21,591
Pemita mo Galuega Vevela	1,305	2,576
Aoaoga Faataitai mo Tagata Ofisa Tinei mu	17,163	15,859
Lipoti faamaonia mo Mu o Fale	177	-
Isi Tupe Maua	173,594	184,149
Aofai o Tupe Maua mai Auaunaga	383,489	302,618

	2025	2024
5. Tupe alu i Galuega Faatino		
Oloa faaaoga	120,297	33,837
Oloa mo togafitiga faafomai	202,606	43,426
Faagaoioiga o le NEOC	58,612	-
Toe faaleleia ma le tausiga	268,575	401,446
Tau o toniga	407,667	151,969
Aofai o Tupe alu i Galuega Faatino	1,057,158	630,678

	2025	2024
6. Tupe Faaalu i le Faafoga o le Pulega		
Totogifuapauina o Suetusi	18,750	-
Faasalalaua faalauiloa	35,900	39,304
Tupe faaalu mo le CHOGM	235,287	-
Aitalafu le mautinoa	200,000	-
Tupe faaalu i le IFFD	14,584	39,953
Inisiua	224,792	124,177
Tupe faalu mo le Ofisa	269,043	1,903,445
Meafaigaluega mo le Ofisa	296,218	240,339
Totogifuapauina mo auaunaga tau tomai faapitoa	12,192	97,997
Lisi	20,444	25,667
Tupe faaalu mo taavale afi	630,847	622,844
Femalagaiga i totonu o le atunuu	21,366	20,800
Femalagaiga i atunuu i fafo	199	290
Totogi tau i le Ofisa	480,560	466,792
Isi	44,644	151,072
Aofai o Tupe faaalu i le Faafoga o le Pulega	2,504,827	3,732,680

	2025	2024
7.Tupe Faaalu mo le Aufaigaluega		
Totogi ma totogi aso	6,073,674	5,405,737
Tupe alu i le saofaga ACC	78,897	68,548
Saofaga NPF	788,340	686,144
Lafoga toesea mai i le totogi	17,157	-
Ovataimi	794,653	458,050
Aso Malolo mo le auaunaga ua ausia le 10 tausaga	73,800	100,911
Alauni o le Aufaigaluega	932,911	688,389
Konekarate ua Faamaeaina	20,407	28,653
Faamanuiaga pe a faamavae	15,443	31,117
Faamanuiaga mo le aufaigaluega	154,032	-
Aofai o Tupe Faaalu mo le Aufaigaluega	8,949,315	7,467,548

	2025	2024
8.Tinoitupe ma faatusatusaga o Tupe		
Teugatupe Autu i le ANZ 3732259	4,054,115	2,217,222
Teugatupe ACC i le ANZ 3835164	27,218	27,287
Teugatupe VISA BSP	4,696	4,836
Teugatupe mo Mea taitasi laiti (PETTY CASH)	255	139
Aofai o Tinoitupe ma Faatusatusaga o Tupe	4,086,283	2,249,484

E lua teugatupe i le ANZ, e tasi le teugatupe i le BSP ua faaaogaina mo gaoioiga a le Pulega. O le Teugatupe Autu #3732259 ua faaaogaina mo na o le totogiina o galuega faatino ma tupe totogi.

	2025	2024
9.Teugatupe Faavaitaimi		
NBS	385,555	1,374,385
BSP	532,226	527,704
SCB	322,103	316,759
Aofai o Teugatupe Faavaitaimi	1,239,885	2,218,848

	2025	2024
10.Faafaigaluegaina o Tupe Faavae mai Tupe Maua		
Teugatupe i le UTOS #1006731	1,561,812	1,508,240
Teugatupe i le UTOS #1005778	1,089,551	1,082,267
Teugatupe i le UTOS #1002691	619,704	667,077
Teugatupe i le UTOS #1007116	2,499,999	-
Poloaiga e Totogi ai Tupe teu faafaigaluega (UTOS)	-	2,000,000
Aofai o le Faafaigaluegaina o Tupe Faavae mai Tupe Maua	5,771,066	5,527,585

E fa (4) teugatupe faafaigaluega ile UTOS i lalo o le igoa o le Pulega. O pasene e maua mai i nei teugatupe taitasi e lei mauaina i totonu o lenei tausaga faaletupe ona e faatoa faailoaina ia Iulai 2025.

Ae peitai, o le Teugatupe o Poloaiga e totogi ai tupe ua toe faaolaina uma mai i le faaiuga o Iuni i le tuanai ai o le vaitaimi e tasi le tausaga lea sa mauaina ai le pasene e \$16,250 i kuata taitasi e pei ona atagia i le faamatalaga o Tupe Maua.

	2025	2024
11.Aitalafu tau Fefaatauaiga ma isi Aitalafu toe totogi mai		
Aitalafu totogi mai ACC	1,245,520	1,464,120
Aitalafu a le Aufaigaluega	698	1,159
Tufatufaga o tupe faasili na maua mai	-	133,508
Lafoga maua mai Mu	-	42,702
Tului na maua mai Aitalafu	9,926	8,979
Aofai o Aitalafu tau Fefaatauaiga ma isi Aitalafu toe totogi mai	1,256,144	1,650,468

O Aitalafu a le ACC o le sao lea o loo pulea e le Faalapotopotoga o Tau mo Faalavelave Tutupu Faafuasei i le Pulega i tausaga taitasi e faatupe ai aoaoga i nuu i tua ma polokalame mo le saogalemu mai mu. E pei ona taua i le Tulafono Faatonutonu o Auaunaga mo Mu ma Faalavelave Tutupu Faafuasei (Lafoga ma Saofaga Tau Tupe 2009), ma e tataua ona totogi atu e le ACC se saofaga tupe faaletausaga e \$200,000 po o seisi aofaiga e sili atu pe itiiti ifo e pei ona malilie i ai po o le 1% o le tupe maua faasili a le faalapotopotoga i le Pulega o Tinei Mu ma Faalavelave Tutupu Faafuasei. O le paleni tauaveina mai le tausaga faaletupe talu ai, e \$1.46 miliona e pei ona i ai i le aso 30 Iuni 2025, e \$418,000 tala na mauaina lea na totogi ai se vaega o taavale ave ma'i e lua ona totoe ai lea o le aofai ua taua i luga.

	2025	2024
12.Meatotino, Masini ma Meafaigaluega		
Galuega Faaauau	970,836	531,517
Fale		
Tau o Fale	3,654,337	3,601,800
Faaopoopoga o Tupe Pa'ū/Faaitiitia – Fale	(935,174)	(708,134)
Aofai mo Fale	2,719,163	2,765,451
Masini ma Meafaigaluega		
Tau o Masini ma Meafaigaluega	1,468,255	1,448,330
Faaopoopoga o Tupe Pa'ū/Faaitiitia – Masini ma Meafaigaluega	(876,872)	(708,134)
Aofai mo Masini ma Meafaigaluega	591,383	740,196
Komepiuta ma Polokalame Faakomepiuta		
Tau o Komepiuta ma Polokalame Faakomepiuta	603,748	530,351
Faaopoopoga o Tupe Pa'ū/Faaitiitia – Komepiuta ma Polokalame Faakomepiuta	(334,173)	(292,622)
Aofai mo Komepiuta ma Polokalame Faakomepiuta	269,575	237,729
Meafale & Totoga		
Tau o Meafale ma Totoga	242,964	241,038
Faaopoopoga o Tupe Pa'ū/Faaitiitia – Meafale ma Totoga	(172,657)	(162,469)
Aofai mo Meafale ma Totoga	70,307	78,569
Taavale Afi		
Tau o Taavale Afi	7,933,437	6,872,993
Faaopoopoga o Tupe Pa'ū/Faaitiitia – Taavale Afi	(6,139,088)	(5,942,051)

Aofai mo Taavale Afi	1,794,348	930,943
-----------------------------	------------------	----------------

Aofai o Meatotino, Masini ma Meafaigaluega	6,415,611	5,284,404
---	------------------	------------------

O le tau fuafuaina a le Pulega o ona Fale i Apia ma Faleata sa faia lea e le Matagaluega o Punaoa Faalenatura ma le Siosiomaga i le aso 17 Oketopa 2009 ma le aso 10 Mati 2010 i lona faasologa lena.

	2025	2024
--	------	------

13. Aitalafu tau Fefaatauaiga ma Isi Aitalafu toe Totogi Atu		
---	--	--

Faaputuga o Aitalafu	16,193	117,599
----------------------	--------	---------

Lafoga Taofiofi	3,752	3,614
-----------------	-------	-------

Isi Aitalafu	18,873	(19,582)
--------------	--------	----------

Aofai o Aitalafu tau Fefaatauaiga ma Isi Aitalafu toe Totogi Atu	38,819	101,632
---	---------------	----------------

	2025	2024
--	-------------	-------------

14. Tupe Faaagaga mo isi gaoioiga i le lumanai		
---	--	--

Tupe Faaagaga mo le ACC	1,245,520	1,464,120
-------------------------	-----------	-----------

Tupe Faaagaga mo mea fia faaleleia	439,961	439,961
------------------------------------	---------	---------

Aofai o Tupe Faaagaga mo isi gaoioiga i le lumanai	1,685,482	1,904,081
---	------------------	------------------

15. Faaitiitia o Tupe Maua tauave		
--	--	--

Tau o aseta foai mai		
-----------------------------	--	--

Tau Amata	8,384,985	7,135,476
-----------	-----------	-----------

Aofai o Tau o Aseta foai mai	8,384,985	7,135,476
-------------------------------------	------------------	------------------

Faaopoopoga o le Pa'ū o le Tau Aoga o se Aseta		
---	--	--

Amataina o le Faaopoopoga o le Pa'ū o le Tau Aoga o se Aseta	(5,716,661)	(5,314,167)
--	-------------	-------------

Tapunia o le Faaopoopoga o le Pa'ū o le Tau Aoga o se Aseta	(5,716,661)	(5,314,167)
--	--------------------	--------------------

Tupe Maua Tauave	2,632,324	1,821,309
------------------	-----------	-----------

O Tupe Maua mo oloa ma auunaga e le i faatinoina ua faamatalaina mai ai le tau aoga o aseta ua faatupeina e le Ofisa Sooupu faava-o-malo a Ausetalia mo atina'e mo le Vaega ua ofo e galulue fua i faalavelave tutupu faafuasei i Samoa (VERTS) ma le NAPA 4 mo le Ofisa Tinei Mu i Asau. Ua aofia ai foi taavale na aumai i le Melbourne Metropolitan Fire Brigade e faapea foi meafaigaluega mai ia Mr. Wolfgang o Siamani mo le tineia o mu i le togavao ma le vaomatua ma le fesoasoani i tagata faigaluega o loo feagai ma le tineia o mu. Sa maua foi le fesoasoani mai ia Mr. Harlich Stavemann e tauala mai i meafaigaluega ma taavale ave ma'i sa faaaogaina muamua. Na foaiina mai e le ofisa o le DMO se nofoag fou mo aoaoga i lalo o le Poloketi a le USAR lea e aofia ai le fale fou, meafale ma totoga, meafaigaluega tau ofisa ma komepiuta e fesoasoani i le Vaega mo Aoaoga i le aotauina o le aufaigaluega, toleniga faalemasina (VERTS), atoa ai ma fonotaga faalemasina a le aufaigaluega ma le Komiti Faafae. E lua (2) taavale Van sa foaiina mai e le ACC. O tupe maua mo oloa ma auunaga e le i faatinoina ua fuafuaina lona tau aoga e tusa lea ma le umi o le aoga o le aseta.

	2025	2024
16. Totogi o Komiti Faafae		

Alauni o le Komiti Faafoe	94,500	93,116
Aofai o Alauni o le Komiti Faafoe	94,500	93,116

Ua faamaoti mai i Tulafono Faatonutonu a le Malo le totogifuapauina mo le Taitaifono e \$18,000 i le tausaga ma le \$22.500 mo le Taitaifono. O nei alauni ua faamatalaina i lona tau aoga atoa.

17. Tupe Faavae ma Noataga e ono tulai mai

O loo iai i le taimi nei i lalo o se Konekarate e fausia ai le nofoaga fou mo le Sailia ma Galuega Laveai ma o loo fuafua foi e fausia se ofisa tumau (lea e tusa lona tau ma le \$3.5miliona) mo le Ofisa Tinei Mu i Aana. Ua tapenaina foi e le Pulega ni fuafuaga mo poloketi o le fausia o ni ofisa se lua i Salelologa ma Falealili ma o loo fuafua e faataunuu nei poloketi i le tausaga fou. E muliai i isi galuega atinae faaopoopo a le Pulega ua faamauina i a latou kalena e iai le Faletaalo fou i Faleata ma le Ofisa mo le Komesina i Apia (a o talia ai le tuutuuga o galuega mo se ofisa tutotonu fou).

O le tau aofai mo nei poloketi e le o mafai ona fuafuaina i lenei vaitaimi ua lipotia peitai o loo faamoemoe le Pulega e tele se tupe faavae faaalu i tausaga faaletupe o loma nei.

18. Faamaonia o le Faamatalaga tau Tupe

Ua faamaonia e le Komiti Faafoe le Faamatalaga tau Tupe a le Pulega i le aso na tuuina atu ai.